

KRESTE UPATULULWA

MWA LINZWI LA HAE TOTA

 Halu inamiseñi litoho zaluna. Mulena Jesu, Mulisana wa Mutapi omutuna, luna ni sikoloti sesituna ku Wena, Mulena, kuli halukoni ku Kulifa ka lilato leo Wena usululezi mwahala lipilu zaluna. Lu ikutwa kuba baba sa swaneli halunze luinamisa litoho zaluna ni kuyema fapila kubateni kwa Hao. Lwa Ku kupa kuli ulukanise kuzwa kwa lifoso kamukana ni sibi kaufela. Lu lapela kuli U tiise mibili ya luna kacenu. Babañata bakula mi bazielehile, sina ha ku bonisizwe fa, ka litaulo ni likupo zetile ka luwaile ni kwa libaka kaufela.

² Mi lu lumela kuli lwafeza litaba za kale za lifasi le cwale, mi cwanoñu fa nako ika kena mwa Kuyakuile, mi lu bata ku itukisa ka hola yani. Kona libaka ha lu kopani mo kakusasa cwana, ki ku itukisa ka nako yani. Ni bulelezwi kuli kuna ni babañata baba teeleza ka mukwa wa mawailé kakusasana cwana naha kaufela, kuzwa kwa likamba leliñwi ku yo punya ku leliñwi. Ko kutaha manzwi aluna kaufela, shangwe sikuwata nyana sani ha si fuyolwe. Folisa bakuli babali mwahala bona, mi Ni lapela kuli Uka ukenise myoyo ya bona kuzwa kwa bumaseswe kaufela. Mi ulutuse mo kakusasana cwana, mwa tabernakele, kuli ni luna lu kone kuikola litohonolo tuna lani.

³ Mi lwa kupa kuli Ukone kubulela ku luna kacenu ka Linzwi la Hao le liñozwi, mi cwale Moya ha upatulule ku luna lika ze lutokwa, sina ha lu kopani mwahala naha kaufela cwale, lu ikutwa kuli lu sicaba se si nyinyani, kono luna ni sibaka mwahala baba liuluzwi, kakuli lu lumezi ku Jesu Kreste. Aku alabe lika ze ku luna, Mulena.

⁴ Mi cwale ha luka kwala sebelezo ni kuya kwa malapa aluna ashutana mwahala naha kaufela, lu bulele cwana, sina bani bene bazwa kwa Emausi, “Kana lipilu zaluna ne li satuki mwahali ku luna ha Na sweli kuambola ku luna mwa nzila?”

⁵ Cwale, Ndate, Ni ziba kuli kaufela se Ni kona kubulela hasi koni kuba sa butokwa, ni—ni Bakreste babande mwahala naha kamukana ba basweli ku lu teeleza, halikoni kuba—halikoni kuba ze swaneleha. Haikoni kuba sika se Ni kona kubulela kuli sa kona kutisa bunde ni bobukana, kakuli kaufela luna lu mwa tikanyo yeswana. Luna lu batu, baba shwa. Kono tuhela Moya o Kenile o mutuna kuli ubulele; habe Yena ya ka swala Linzwi ni ku li patulula Iliyena. Lwa Mu libelela cwale, ka Libizo la Jesu. Amen.

Mwa kona kuina.

⁶ Ni mwa mufuta wa...kuba ya komokile. Ne ni bulelezi musala ka, haiba usweli wa teeleeza cwale, kwani kwa Tucson, kuli Ne ni sa zibi kuli Ne ni ka ba ni sebelezo ha Ni ka kuta; mi mane Ne ni sika lwala litino. Mi Ne ni ize kwa makwenyanka ba basali, neba hainile koti yaka, mi se Nili, "Ni ka yema kwa mulaho wa katala, mi...Ha ba zibi kuli bulukwe ki bwa mufuta usili ni koti hape ki mufuta usili." Ki zona ze ne Ni tinile kwa lapa. Kono, Meda, nangile hembe yaka ni kuihaina ni zeñwi kaufela, kacwalo kamukana...Musike mwa bilaela; lika kaufela liiketile.

⁷ Cwale, luna ni kupo kwanu, kuli kuna ni muzwale ya lateha...Mi Ni sepa kuli—kuli Prescott, Na lumela, ba lu teeleeza kwanu kakusasana cwana, kwani mwa—mwa Prescott, Arizona. Bo ndatahe Kezeli Mercier ba inzi mwa nzila ba taha kwanu kwa mukopano, Na utwisisa, mi nekuli tata kuli ba isiwe kwa sipatela ka butuku bwa pilu, Muzwale Coggins. Mi, hape, Muzwale Junior Jackson, Na sepa yena uinzi fa wayalesi yetatama kwani, kamba luwaile lolu tatama mwa Clarksville kamba New Albany, mi bo ndatahe ba inzi mwa sipatela, Na utwisisa, ka za kupazuliwa kokutuna kwa kansa mwa sibiti. Kacwalo kaniti lu bata ku hupula zani mwa litapelo zaluna. Mi cwale kuna ni babañwi mo, hape, kono halu lati kuli lusinye nako. Mulimu kaufela wa ziba, kacwalo halu ba lapeleleñi cwale.

⁸ Mulimu yomunde, muuna yani, wa kale, muuna ya kokonyani fa mazoho, Muzwale Coggins, mutu wa kale mwa simu, unani...u lobezi mwa sipatela kakusasana cwana, kokuñwi, ukula kukatazwa ki pilu ya hae. Mulimu, pilu ya kale yani ifitile mwahala kukatazwa kokutuna. Na lapela, Mulimu, kuli u mutuse. Alaba cwalo. Yena uswana...Wa lata bupilo sina luna kaufela ha lu bu tabelia, mi ubata kupila. Mulena Mulimu, alaba cwalo. Luna mwahala naha kaufela lwa lapela ka Libizo la Jesu ka yena, kuli Umu folise ni ku mu lukulula. Lwa lumela kuli Uka peta cwalo; uka taha kwa mukopano.

⁹ Lu lapelela Muzwale Jackson, bo ndatahe babande baba lobezi kwani bukaufi ni lifu cwale, mi utisize mushimani yomunde mwa lifasi sina Junior. Na—Na—Na lapela, Mulimu yomunde, kuli Umu folise. Na ziba si bonahala ku sa konahala. Ba milyani, baalafi, bona—bona ha ba zibi za kueza mwa mufuta wa taba yecwalo yani. Kono lu hupula Muzwale Hall, hape, fani muika wa baalafi yomunde hana bulezi kwanu, mwa Louisville, kuli, "Una ni fela lihola ze likani za kupila," ni kansa mwa sibiti. Mi wa pila kacenu, mi sani seli myaha ye twenty-faifi ye fitile, bakeñisa muhau wa Hao. Kacwalo Ni lapela kuli Ufolise Muzwale Jackson kacenu, Mulena, tuhela kuli muhau wa Hao ni sishemlo libe ni yena.

¹⁰ Mi ona libunda tuna la litaulo le ni lika zeñwi ze beilwe fa ka likupo; Wena wa liziba kamukana zona, Ndate. Ni lapela kuli U tahise foliso ku zona kaufela. Ka Libizo la Jesu Kreste. Amen.

¹¹ Cwale ku kalisa, kakusasana cwana, Ne ni sa zibi kuli ne Ni ka taha kwanu, ka nako ya pili, la Sunda yefitile. Mi cwale hape, fani hane lu zibisize, Ne ni tile kwanu. Muzwale Neville na kupile kuli ni kutaze! Mi ne lu zibahalize za kuba kwanu kacenu, mi haku sika zibiswa mwahala na ha kwa sicaba. Mi luna ni litukiso za mawaile ka swanelo cwale, yeli taba, yende nde luli. Batu ba kona kuina kwa mandu a bona kamba . . . ku kopana mwa libaka za bona, likeleke za bona, ni zeñwi cwalo, ni kuutwa sebelezo. Na itumela ka seo.

¹² Cwale Ni bona ze beilwe fa, kubile likupo zeñata sunda ye felile ye, ka se ne Ni bulez ka Liñusa la Sunda yefelile. Ni sepa Ni libezi toho ya taba yene Ni ifile cwale. Kono Ne ni bulez sesiñwi kaza kulifa likoloti za mina. Mi mwa ziba, hakuna taba kamba mubulela sikamañi, halina ku utwisisheha ki babañata. Isiñi kakuli ki . . . haba tabelangi ku tokwa kutwisiso ka zona, kono mina mwa palelwa fela ku liutwisisa.

Mi cwale yomuñwi uli, “Kana luleke mota nji?” Kamba, “Ki sikamañi se Ni lukela . . .”

Cwale, sani ha kisona sa na bulez Jesu, kamba yona Bibele mwani, sani sa kuli, “Musike mwa kolotela mutu sika.” Zani ki likoloti za ku liehisanga ze mukona kulifa. A mu life. Hakuna . . . Ya sina sikoloti ku mutu. Haku talusi kuli . . . Mawi, luna ni sikoloti sa muyaho wa luna, likoloti zaluna za telefoni yaluna, luna . . . ni zeñwi cwalo. Luna—luna ni likoloti za lika zani, mi lwa li lifanga. Kono, sikoloti sa nako ni nako semukona kulifa, hamufeze ku silifa. Mwabona? Cwale, musike mwa zamayanga ni lika zeñwi inge li mi nyomaeta cwalo.

¹³ Na hupula ka nako hane Ni kula, hane Ni sali mushimani. Ne ni zwile mwa sipatela ni sikoloti mwendi se sikuma fa madollar aeza tu sauzande. Mi ne kubanga sintolo sa milyani kwanu, Bo Swaniger, Ni ba koletezi mali madollar akuma fa sili handeleti kamba fo handeleti, ki sikoloti sa milyani. Yena mane na sa ni zibi. Mi mutu wateni . . . Ne ni ile ku yena. Ne ni sa mu zibi. Mi sa liluma fela kwani, niteni, na sika hana ku li luma. Mi se Nili, “Ni ku kolotezi.” Mi se Nili . . . Na lumela, Swaniger . . . Neli Bo Mason kwani kwa Mukwakwa wa Court ni Spring.

Mi se Nili, “Ni ku kolotezi. Mi Ni—Ni sa ikutwa fela kufokola, kono Na lika kuya kwa musebezi. Cwale, haiba ha Ni koni ku kulifa . . .” Kona ni sa zo ba fela Mukreste. Se nili, “Taba yapili, Bo Mason, kakuba musebezi waka ku Mulimu, Ni Mu kolotezi sa bulishumi saka. Ni bata ku Mu lifa za bulishumi za ka, pili.” Mi se Nili, “Mi musebezi waka otatama ki kulifa likoloti za ka.” Se nili, “Bo ndate kiba kukula kula, mi ba . . . Mi luna . . . Luna lu bana baba lishumi kamukana luna mwa lubasi.” Kono Ne niize, “Ni ka . . . Haiba Ni palelwa ku mi lifanga tikanyo ya ma centi a twenty-faifi ka sikoloti sani, ka mo ni holela kaufela; haiba Hanina kukona ku kulifa niheba ona ma centi a twenty-

faifi ao, Ni ka kuta kipeto ni to ku bulelela ka zona. Ni ka ku bulelela kuli, ‘Ni—Ni—Ni palezwi hanikoni ka nako ye.’” Cwale, ka tuso ya Mulimu, Ni lifile siemba sa zona kaufela kufeza. Mwabona? Kono sani kona se Ni talusa, mwabona? Mutu asike aipulelela fela . . .

¹⁴ Oh, Bakreste babañwi mwa keleke mo nako yeñwi neba ilo eza musebezi kwa mota kwanu, mi muuna yani kiha taha . . . Muuna yani ali, “Ni ka kulifa. Ni holanga la Pelekelo,” kamba leliñwi le li shutana. Mi na si ka mulifa. Cwale lisunda ni lisunda za fita, mi na sika mulifa, nihaiba kubulela linzwi. Mi—mi mutu yani ataha kuto ni buza, ki hali . . . Mwabona, si supa ku lwanisa keleke. Si supa ku lwanisa Kreste.

Ha mu sa koni ku mulifa, mu ye mu yo mu bulelela, muli, “Ni mi koletezi, mi Ni ka milifa. Ni Mukreste, kono Ni—Ni fela . . . Ni palezwi hanikoni kueza cwalo nako ye, Ni na ni . . . Ni kolotile sa kuli.” Mi, muhupule, li mwa libuka za Mulimu liñozwi hape, mwa ziba, kuli mu kolotile. Kacwalo sani ki . . . Ni lika kuli, ku na muñi ni ku luna kaufela hamoho, lulike ku itukisa, kakuli luziba kuli lu se luatumela bukaufi ni sesiñwi, bukaufi luli ni sesiñwi sesi na ni ku ezahala. Kacwalo lu bata kuli lu itukise. Haibile Kutaha kwa Mulena se ku sutelezi bukaufi hahulu, lu bata ku itukisa ka hola tuna yani.

¹⁵ Cwale lu bata ku itukisa mi lubulele cwale fa tuto nyana fa ye Ni ketile ya kakusasana cwana, ka tuso ya Mulena. Mi luka ambola ka kukusufaza fela ka mo lu konela, bakeñisa ku ngungahana kwa mawaile ko lubeile sicaba. Na sepa mina kaufela muna ni . . . mwahala naha kaufela, muna ni kakusasana o munde sina mo lu bezi kwanu kwa Indiana. Ki bunde, ku batile, ki moyo o munde o lu nani cwale kuzwa ka nako ya pula. Mi ki bunde luli.

¹⁶ Cwale Ni bata kubala kuzwa mwa Buka ya Maheberu, kauhanyo ya 1; ni kuzwa hape mwa Buka ya Muñoli Joani, kauhanyo ya 1. Maheberu 1:1 kuisa 3, ni Muñoli Joani 1:1, ka kuba palo. Tuto yaka kakusasana cwana ki palo mwa Mañolo. Cwale ha lubaleñi Maheberu 1:1.

*Mulimu, mwa linako za kale . . . ka mikwa yeshutana
na bulezi hañata mwa linako za baikale ku bo ndata luna
ka bapolofita,*

*Kono mwa mazazi a mafelelezo a ubulezi ku luna ka
Mwana hae, yo a beile kuyola sanda sa lika kamukana,
yo hape na ezize ka yena lifasi;*

*Yena yeli ponahalo ya kupazima kwa kanya ya hae,
ni . . . siswaniso sa seo ali sona, ulwala lika kamukana
ka linzwi la mata a hae, amano feza kutapisa libi zaluna,
ayoina ku la bulyo la Bulena bwia kwa halimu;*

Ki palo mañi kwa bunde! Cwale Muñoli Joani 1:1.

*Kwa simuluho nekuna ni Linzwi, mi Linzwi nali ku
Mulimu, mi Linzwi neli Mulimu.*

¹⁷ Cwale, haili toho ya taba yaka kakusasana cwana ki kuli: *Kreste Upatululwa Mwa Linzwi La Hae Tota*. Cwale, ha Ni taha kwa kuambola cwalo, neli bakeñisa kuli... Kakuziba kuli se lu bulela halu lukeli ku si bulela fela kakuli lu kopani hamoho ka sipundumukela kuli kipeto lubulele fa sika kaufela, kono ki sesiñwi se si ka tusa kutomahanya sicaba, kakuli luka fita mwa mezi a sabisa, a maswe. Se lukeni kale ku ona. Mi fokuñwi Na sepa ki nto yeswana ku mina ni kuna, sani si bonahala inge cwalo, ki zeñata hahulu za teni, ki mukwa o sabisa luli.

¹⁸ Ne ni sweli fela kubulela ku mukutazi yomunyinyani ni musala hae, mwa muzuzu, nako nyana yefitile. Mi sibeli sa bona ki batu baba ikalezwi sina babañwi kaufela ba lifasi, inge batu babañwi kamukana ba basiezi ba lifasi. Ne niize, “Muhupule, Satani una ni ñindi ye libile ku mina.” Hana taba kamba ki mina bo mañi, Mulimu... Una ni tukelo ya ñindi iliñwi yani. Yena utabela kuli, ami likite ka ñindi; mube libofu, kamba mube yana ni butuku bwa kuopa mwa lingongo inge muinzi mwa sipula, kamba ku ikalelwa? Mwabona? Una ni sibaka sa ka mi nata ku sona. Una ni tukelo ka sibaka se si kwaluhile sani. Cwale, sani kona sibaka se mu lukela kubuluka inge sikwalilwe ka nako kaufela. Ni kubona lusika lwa ku ikalelwa lo lupila kulona lo!

¹⁹ Cwale matepu a biki yefelile, Na sepa, aka patulula ku mina lika zetuna ze patilwe ze lu ka bulela ka zona leliñwi la mazazi a haiba lu ba ni sibaka sesituna, ka za kukwalula kwa likoto za mafelelezo zani ze ka sululelwa mwa lifasi, Manaka ani, ni taluse, kusuluha kwa Manaka, ni Mishika Yesupa, ni ze sabisa ze patilwe zani ze ka tahela lifasi. Mutu cwale, ni sicaba kacenu, ba inzi mwa buino bwa kusaba; lifasi kamukana!

²⁰ Mubale mutende wa kweli yefelile waba *Reader's Digest*, muka lemuha taba yeinzi fani; ki kaza Billy Graham, mubuleli yomutuna. Na katezi hahulu na palezwi kuba ni mikopano ya hae, mi na-na ile kwa sipatela sa Mayo kwa ku yo itatubisa. Ne ku sina se ne si fosahalile ku yena, fela hasebezangi hahulu misebezi ye miñata. Mi kiha ba mubeya kuli amate; kutiisa mibili. Umatanga maele iliñwi zazi ni zazi.

Mi cwale mutende uwelapili kubulela kuli sayansi i paka cwalo kacenu, kuli bana ba banyinyani bani, bashimani ba banyinyani ni basizana, “lilimo za bona za bunca ze mashumi amabeli za kupepwa.” Mi ka ze twenty-faifi, linako zeñata, mwa litaba zeñata, basizana base ba zwile mwa buino bwa lupepo, fa myaha ye twenty-faifi ya kupepwa.

Hanizibi haiba mwa ziba cwalo kamba nee, kono masihu nyana afitile fani Moya o Kenile ha no bulela kwanu mwa mukopano, musizana yomunyinyani ali kuina fani, sani kona sene si fosahalile luli ni mwana yani ha na bizizwe. Ne ni

mutalimile lwa bubeli, na talima hape, mi Na bona sene sili butata. Na hupula kuli, "Ha ku konahali; mwana yani ki yomunyinyani hahulu." Kono neli kuyema kwa lupepo, wa lilimo ze likana mashumi amabeli cwalo za kupepwa, twenti-sili, sesiñwi se si cwalo. Mwabona?

²¹ Boma ni boma mina ne ba fitile fa siyemo sani mwahala myaha ye fote-faifi kuisa fifite. Musala ka na fitile fa siyemo sani ka myaha ye kuma fa seti-faifi cwalo. Cwale fa likutezi mwa mulaho kutaha fa mashumi amabeli. Lusika lwa batu kamukana lu bolile. Ki hande, haiba libupiwa za butu zani za mwa mubili wa luna zafokola cwalo kwa ku sa ca lico za mazwake, lipilaelo, kona zeli bolisa, kana zani ha libolisi ni bupilo bwa mwa booko? Konakuli lwa kona kubona mo basali bakona kubela fa mukwakwa, mapunu. Lwa kona kubona mo bakona ku akufela mwa—mwa mikwakwa ka lubilo lo lueza limaele ze mwanda ni mashumi amabeli fa hola, lika ze kaufela. Si fitile fa sibaka sa kuli naha kaufela, lifasi kaufela, isiñi naha ye fela, kono kai ni kai, balatehile mwa booko.

²² Mi cwale halu ka kwalula zani, haiba Mulena alata, fa Manaka a Supa ani ni ku bonisa lika ze patilwe zani. Batu baka lyangana maswe, kasamulaho nyana, kufitela haba ka nahana kuli babona tukokwani ku likana ni lilundu. Ikaba ku nyandisa basali; kuli linziye lika taha mwa lifasi, ni milili ye mitelele, lika to nyandisa basali baba beulanga milili ya bona; ni milili inge basali, ye lepelela; ni meeno amatelele, sina tau; ni buhazo kwa mihata ya yona, sina kabenze, mi—mi ni zeñwi cwalo, ku to nyandisa batu mwa lifasi. Kono he nako ikabe ifelile ka kueza sika ka zona. Mu utwe ka yona nako ye cwale. Mwabona? Kunyandisa!

²³ Mi ka la Sunda yefelile hane lusweli kufita mwa likalulo zani, kuli maikuto a ketalizoho afumaneha kwa sikwenda sa kwande. Zani kona za kukena mwahali ka zona, maikuto a ketalizoho kwa mubili. Kuna ni fela nzila iliñwi yo mu kona kukena ka yona mwa mubili, yani ki ka maikuto a ketalizoho ani: kubona, kulwaza, kuswala, ku nunkelela, ni kuutwa. Hakuna mukwa usili hape wa kukena ka ona mwa—mwa mubili.

²⁴ Mwahali a mutu yani kuna ni mutu yabizwa moyo, mi una ni maikuto a ketalizoho: kunahana, kuhupula... ni kuhupula, ni lilato, ni lizwalo, ni zeñwi cwalo. Ku lukile.

²⁵ Cwale, hamukoni ku nahana ka mubili wa mina. Mu nahana ka zibo ya mina. Mi mwahali mwani kona mo babañata, ba Bakreste, baitulelenga fela. Mi ba kona, sina fela mbonyi mwa simu ni sicwani mwa simu, za kona kutoziwa ka Moya o Kenile o swana o mulumeli wa niti atozizwe ka ona.

Kono mwatasi mwahala sani, sikwenda se si tatama, sikwenda sa bulalu, ki moyo; mi wani utomilwe ki Mulimu.

Kwani kona ko kuna ni peu yepila ya niti i fumaneha, ki mwahali mwani.

²⁶ Mi, muhupule, ha Ne ni kanga munjeke wa linawa ni ku u kwalula, kubeya mwahala ona pilu ya—ya buloto ni ku ubeya mwani, ku upumbeka, uka melisa buloto mwa munjeke wani; hakuna taba kamba za kwande li cwani, seo maikuto ali sona.

²⁷ Kacenu, ki kulyangana maswe ka bupaki bwa Moya o Kenile, ni zeñwi cwalo. Satani wa kona ku likanyisa mufuta wa mpo kaufela yeo Mulimu anani, kono hakoni kutahisa Linzwi lani, Linzwi ka Linzwi. Fani kona fa na palelezwi mwa simu ya Edeni. Fani kona fa bile apalelwa kamita. Fani kona ani, matepu ka za “batoziwa, ba mahata,” kamba batoziwa; bakona kutoziwa ka Moya, ba bulela ka malimi, kubina, kuhuwa, kukutaza Evangelii, mi isali diabulosi ya swana.

Ki za mwahali! Cwale muhupule, Jesu naize, “Kaufela bao Ndate a Ni file baka taha ku Na. Hakuna mutu ya kona ku taha konji Ndate Luli a mubize pili.”

Cwale, lufitile mwahala tuto, ili kubonisa kuli mwa... Nemuli ku bo kuku-wabo-kuku-wabo kuku amina ba kale, kwa mulaho kafoo, kubulela ka butu. Kasamulaho, sani kona se mu li sona mwa sibupeho sa butu, sipepo. Fokuñwi mwana wa kona kupepwa mwa lubasi, ni milili yefubelu kwa toho. Si komokissa bo ndatahe, kakuli hakuna usili yo a ziba, kwa sicaba sa habo, milili yefubelu kwa toho, kamba kwa neku la bo mahe. Kono hane mu ka ya kwa mulaho ka masika nyana, mu ka fumana kuli yomuñwi neli wa milili yefubelu. Peu yani i zwezipili kutaha i shetumuka, mi mutahile ka sibupeho sa yomuñwi wa kwa mulaho kwani.

Sina Maheberu kauhanyo ya 7 haibulela, kuli, “Melekisedeke, Abrahama na lifile za bulishumi ku Yena hana kuta kwa ku bulaya malena. Mi Livi, yana amuhezi za bulishumi, na lifile za bulishumi,” kakuli nali mwa teka ya Melekisedeke kwa...kamba, “teka ya Abrahama,” ni taluse, fani hana kopani ni Melekisedeke.

²⁸ Cwale taba yeswana ki ye. Haiba u mwana Mulimu, mi haiba Ni mwana Mulimu, kamba mwana musizana wa Mulimu, ne luli ku Mulimu kwa simuluho. Mi cwale Jesu hana tiloba mutalelela wa Linzwi, konakuli neluli ku Yena, mwa muinelo wa kokwani ya bupilo. Fani ha Na kokotezwi, ne lu kokotezwi mwa mubili wa Hae. Fani ha Na zuhile kwa bafu, ne lu zuhile ni Yena. Mi cwale, kakuli kale lu lemuha cwalo, “cwale luinzi hamoho ni Yena, mwa libaka za Lihalimu ku Kreste Jesu.” Mwabona? Kakuli Yena...Luna, haiba luna lu bana ba bashimani ni ba basizana ba Mulimu, lu bana ba Mulimu, kona kuli lu mihipulolo ya Mulimu. Kona kuli nelu...amuhezi Bupilo Bobusafeli. Mi Mulimu ki yena fela Bupilo Bobusafeli bo bu liteni. Kasamulaho, ne luli ku Yena kwa simuluho. Mi cwale Jesu hana tiloba Linzwi

lani, konakuli ne lu tiloba siemba sa Hae kanti. Amen! Ki fo he cwale. Zani li mwahali, hakuna diabulosi, hakuna mata, hakuna sika kaufela se si kona ku si shenyisa. Fani kona fo ku tamelezwi moyo.

²⁹ Wa kona kutoziwa kwande *kwanu*, mwa moya wo, ni ku lakaza, ni kueza ona lika zeñwi ze kaufela. Kono cwale ha si taha kwa neku la kutameha kwa Linzwi lani, hamuna kukona kushenya kuzwa fani. Li ka swala hande ka tokomelo mi ka niti, kwa Linzwi lani, ka mo kukona kubela. Kwanda sani, hakuna taba kamba ueza sikamañi, usali ya latehile.

³⁰ Lusika lwa Keleke ya Laodesia lwani, “mapunu, bubofu, kuzieleha; mane hakuna ni haiba kuziba.” Mwabona, ki za kwande . . . Kona kutoziwa kwani, kutoziwa ka Moya wa niti. Mwabona, ona Moya o Kenile wani wa kona kuwela ku mutu, mwa moya wa hae. Kono moyo wa hae kona kokwani ya hae yepila; kokwani yepila yani kona Linzwi. Mwabona? Ni kamo . . . Hanina taba kamba ukona kukutaza cwani, mo kona ku ezeza hande *sa kuli*, ni ka mo latela; yani ki iliñwi ya linzila za kukena mwa moya. Ha mukoni kulata ka mubili wa mina; mu lata ka moya wa mina. Yani ki iliñwi ya linzila za kukena mwahali ka zona. Mi wa kona ku lata, mane nihaiba ku lata Mulimu, mi niteñi ha usika luka. Wa kona ku leleka mioya ye maswe, ni kukutaza, ni kueza lika ze; niteñi ha usika luka. Jesu nabulezi cwalo, ali babañata baka taha ka lizazi lani. Linzwi lani kona la mafelelezo!

*Kwa simuluho nekuna ni Linzwi, mi Linzwi nali ku
Mulimu, mi Linzwi neli Mulimu.*

Mi Linzwi la ezwa nama, mi la to yaha ku luna, . . .

³¹ Mulemuhe, Ni ka bulela fa tuto ye ya Bibebe, kaza, *Kreste Upatalulwa Mwa Linzwi La Hae Tota*. Kone Ni zusize taba ye, neli mwa muzuzu waka.

Mutu yomuñwi yomunde, wa kona kuba mo kakusasana cwana . . . Ni na ni siswaniso se si lepelela mwa sibaka mo ni balelanga kwani, sani ki siswaniso sa Hofmann sa *Toho ya Kreste*, ku ñozwi mwa litaba za Babafuyozwi. Mi fa sibaka fo mu taha kwa siemba sa kutokwa kalulo ya milili, neba tundana ka tata nyana hamunze mufita fa kalulo yani. Fani, kona fa Li teni, uinzi mwa Linzwi la Hae, inza talima fande fani; Kreste mwa litaba za Babafuyozwi. Yomuñwi, kamba neli mañi kaufela, Ni itumezi ka zona.

Mi yomuñwi atisa siswaniso sani ni ku to sibeya mwa sibaka sa kubala kwaka kafani, kaza Elia hanatile mwa koloi ya mulilo. Lwa itumela ka lika ze. Linako zeñata, kwa nyangela yetuna, Hani bangi fela ni kolo ya ku bulela lika ze, kono Na libonanga luli, muzwale, kezeli. Na—Na ziba, ni Mulimu wa li ziba.

³² Cwale Ni ka ambola fa tuto ye yakuli: *Kreste Upatalulwa Mwa Linzwi La Hae Tota*. Kuli, mwa litaba za Babafuyozwi,

kuna ni siswaniso sa Kreste, sinze siyemi hande, cwalo. Kona ha Ni hupuzi ka tuto ye. Cwale, Kreste ni Linzwi ki nto yeswana. Mwabona?

³³ Ba li, “Kana Bibebe neili cwani . . . ?” Sicaba sa bulela. Ne ni pahami ni muuna yomuñwi ha ki kale hahulu. Na ize, “Mu nahane fateni. Luna fa lifasi mubu fa, ka mo lu inezi, mi luziba fela kamba lukona fela kubulela kuli lu pilisizwe ka litangu leliñwi la Sijuda le libizwa Bibebe.”

³⁴ Se nili, “Muñaka, Ha ni zibi mo bulelela sani, kono ha Ni lumeli kuli ki litangu la Sijuda,” Na bulela.

Ki hali, “Kulukile, hau lapela, ki sikamañi so lapelanga ku sona? Na mu buza kaza *kuli-ni-kuli* ni lika zeñwi; Ne ni si ka alabiwa.”

³⁵ Se nili, “Ulapela ka mafosisa. Ha lu lukeli kulapela kuli lucince muhupulo wa Mulimu; lu lukela kulapela kuli lucince muhupulo wa luna. Muhupulo wa Mulimu hautokwi ku cinciwia ni hanyinyani. Mwabona? Mwabona, u lukile.” Se nili, “Isiñi so lapelezi . . . ”

Ni ziba mushimani wa Katolika, nako yeñwi, yana nani buka ya litapelo, litapelo za kupeta, kuli bo mahe bapile. Mi se ba shwa, mi ki ha nepela buka ya litapelo mwa mulilo. Kulukile, mwabona, Na hani yemeli libuka za litapelo; kono, nihakulicwalo, mwabona, hamunga buino bo bumaswe. Mulika ku bulelela Mulimu sa kueza.

Tapelo i lukela kuba kuli, “Mulena, ni cince kuli ni swane ni Linzwi la Hao.” Isiñi, “Cinca,” isiñi, “tuhela ni cince muhupulo wa Hao. Wena ucince muhupulo wa ka.” Mwabona? “Ucince muhupulo waka kuba tato ya Hao. Mi tato ya Hao i ñozwi mwa Buka mo. Mi, Mulena, usike—usike Wa tuhela kuli ni zamaye kufitela niba ni muhupulo waka—waka kutomiwa sina fela ni muhupulo wa Hao. Mi cwale muhupulo waka hause utomilwe sina muhupulo wa Hao, konakuli Ni ka lumela Linzwi kaufela lene Uñazi. Mi Noize, mwahali mwani, Ne ueza lika ‘kaufela kubelekela hamoho kwa bunde’ ku baba Ku lata. Mi Na Ku lata, Mulena. Kamukana libelekela hamoho kwa bunde.”

³⁶ Ni bile fa sunda ye mwa naha mo, ka kuina ni balikani babañwi baba lateha luli. Ne ni buzize babañwi ba kubona fa tafule, maabani, ha ne lu sweli kuca. Kamita lwa inanga ni kuba ni . . . sina kuba ni palo nyana ka za Bibebe. Ne lu sweli kuikambota fa lilato.

Mi ne kuna ni mutu yomuñwi ya natilo bulela ku na, ki hali, “Na lumela wena u mulwanisi wa kreste.”

³⁷ Se nili, “Haiba sani sa kona kutabisa ku Mulena ka, konakuli kisona se Ni tabela kuba sona. Ni bata kuba sika kaufela Sa bata kuli ni be sona. Na Mu lata. Mi haiba Uka ni nepela mwa lihele,

Ni mwateni ni ka zwelapili ku Mu lata, haiba Ni ya ni moyo oswana o Ni nani cwale.” A ni talima ka mutualimelo usili.

Ne ni boni ba bane kamba ba ketalizoho kwani, mitangana ya sanana; lindambakati za sanana, basali babande. Ne ni zibile ka mone ba latela basali babona micaha bani, kacwalo Na li ku bona, Na li, “Ki ye nzila ya ku tatuba ka yona. Haiba bo musala hao, mu si ka nyala kale... Cwale, mu kutele kwa mulaho, kuli hane... bupilo bwa linyalo bo, ne mu lolanga kuli munyezi; kono ne mu sika nyala kale, kono ne mu lolanga kuli mu nyalani. Mi kipeto mwa zuha, mi kipeto mwa ya mi mu yo ikambota ni nyazi wa mina wa musizana, mi muli, ‘Wa ziba, Ne ni lolile kuli lu nyalani, mi ne luna ni bana. Lu pila ka tabo, mi—mi lulitela Kutaha kwa Mulena, ni lika kaufela.’ Mi kipeto musizana yo ukali ku mina, ‘Wa ziba, Ni lata muuna usili hande kufita mo Ni latela mina. Ne ni kaba ya tabile kuba ni muuna usili.’ Kana kuzwa, mwa pilu ya hao, ne mu ka mu lata ni kubulela kuli, ‘Limbuyoti za Mulimu li suluhele ku wena, mulatiwa. Zwelapili ni muuna usili yoo?’”

Cwale, cwale mutatube sani, mutu ni mutu wa mina baana kamba mina basali. Mwabona? Kulukile, haiba lilato la mina li lukile, mu ka eza cwalo, kakuli mu tabela buiketo bwa hae. Ki sikamañi, muziba kuli ne mu ka ba ni yena, mwa kona kupila ni yena, mina... Ki musala mina; ukaba yena. Uka nyalwa ku wena, kono hana ku tabela. Na kaba ya tabile ni kufita... Mi cwale, haiba mwa mu lata, konakuli u ka bata kuli abe ya tabile.

Kabakaleo, seo tato ya Mulimu ili sona kaufela, mutuhele tato ya Mulimu ipetahale, kamba Ni tabile ka sona kamba kutokwa. Ni bata kupila kuli Yena atabele ka se Ni eza. Kabakaleo mutatube maikuto amina—amina ni mulelo wa mina ka sona; mwa ziba kamba mwa lata Mulimu kamba kutokwa.

Kucwani he ha Na ka bulela kuli, “Kana uka Ni sebeleza haiba Ni ku kasheza kwahule?”

“Na Ku lata, nihakuli cwalo.”

³⁸ Kabakaleo, haiba likeleke za kona kubona sani ni ku lumela ka mukwa o cwalo, haina kuba inge yomuñwi ya lika ku lahela mbola kwahule kuzwa ku mutu yomuñwi ha mata ni yona. Uka sileleza zani. Mwabona? Fani, mulelo wa niti ni muhupulo, hauna kuba sina mutu ya bulela kuli, “Yela, Ni na ni sona *se nina!* Na, *yo ki na, se.*” Mwabona, Mulimu hakoni kuitusisa mutu yani. Kuna ni malikanyiso hahulu ali latelela, mi yani ki Satani. Mi sicaba ha si lemuhi sani. Balika kunga mbola kuzwa ku yomuñwi ya filwe. Mulimu ha ka zusa bulumiwa bo buñwi kipeto mutualime kuli ki babakai baba ka bu latelela. Mwabona? Mwabona?

³⁹ Cwale, lilato la niti la Mulimu, “Hakuna taba kamba Ni kalulo mañi, Mulena, haiba Ni kona fela kubulela linzwi ka

Lona, ili kutusa kwa ku Li sileleza, ni lukela kueza sani.” Mwabona?

Yani kona taba yeswana ni bo musala mina. Haiba kaniti mwa ba lata, mwabona, ha ki—ha ki lilato la—la *phileo*; kono ki lilato la *Agapao*, lilato la niti. Wa kona kupila ni yomuñwi fela, inza tabile ni kufita; ha mu si ka nyalana cwale, kakuli, ha mukoni.

⁴⁰ Mi, ka mukwa omuñwi, batu baba teeleeza kwa matepu aa. Babañwi, ba bañata luli, batahangaa, bali, “Kiñi, mwa *Linyalo Ni Telekano*, ne mu bulezzi se mi ne mu bulezzi *sani*.” Ni bulezzi sani ka linako zeñata hahulu; matepu aa aya fela . . . Ni ambola fela kwa puteho yaka, muzwale. Hanina buikalabelo ka sikwata sa mi file Mulimu kuli si mi lise; Ni na ni buikalabelo ka mufuta wa Sico se Ni fepa batu ba. Se ki sa tabernakele ye fela. Mwabona? Cwale, haiba batu babata kuteeleza kwa matepu, kuitingile ku bona. Kono Ni ambola ku bao Mulimu anifile. Neli libi za bona ze ne silwe.

Yomuñwi na ñozi cwana, mi ali, “Kulukile, Ni ezize se mi Ni ezize ni *sani*. No ize libi za luna . . .” Ha—Ha ni sika bulela cwalo.

Ni ize, “Mwabona ki ku ba; se ki sa sicaba se fela ona kwanu, sicaba kwanu kwa tabernakele, ona mutapi waka oni konka.” Cwale, haiba sicaba si bata kuzwaka lico ni zeñwi kwande kwani, munge—munge sinulo yezwa ku Mulimu mi mueze seo Mulimu ami bulelela kuli mueze. Ni ka eza taba yeswana. Kono Mañusa a ki a kwa keleke yona ye.

⁴¹ Mulemuhe cwale, lwa kuta, lu lukela kuba ni sesiñwi se lu lukela ku swalelela ku sona. Sesiñwi si lukela kuba kota ya sitoli, ka manzwi amañwi, kona mafelelezo. Mi mutu ni mutu ulukela kuba ni mafelelezo kamba mayendameno. Ni kile na kutaza ka yona nako yeñwi, lilimo ze fitile, fa mayendameno, sibaka ko kuna ni linzwi la mafelelezo.

⁴² Sina mulahisi mwa papali ya mbola, haiba ubulela kuli a mulahe, sani kona mo si inezi ona cwalo. Hakuna taba ka mo muibonezi, mulahisi ubulezi kuli i lukela kulahiwa. Mu li, “Na—Na—Na . . . Ne isa lukeli kulahiwa. Ne ile . . . Ni boni kuli . . .” Hakuna taba kamba ki sikamañi, haiba na bulezzi kuli, “ilahiwe,” kona ona cwalo, sani kona fela mafelelezo. Yena, ki yena wa mafelelezo.

⁴³ Mi ni malaiti a fa mukwakwa ki a tamaiso, haiba ibulela kuli, “zamaya.” Mina muli, “Kulukile, Ni, Ni angufile, Ni na . . .” Batili, batili. Ibulela kuli, “Muyeme fela pili mulikana mina hanza ya.” Mwabona? Kona mafelelezo.

⁴⁴ Cwale, ku lukela kuba mafelelezo kwa lika kaufela ze mueza. Ku lukela kuba mafelelezo ha uketa musala hao. Ne kubile musali yo ne muna ni kuketa.

⁴⁵ Cwale, ku lukela kuba nako yakuli, ha mu kaleka mota, mufuta wa mutomo o mukapanga. Kana ikaba Ford, Chevy, Plymouth, mota ya kusili, seo kaufela ili sona, mu lukela kuba ni mutomo.

Mi ki mo ku inezi ni mwa bupilo bwa Sikreste. Ku lukela kuba mutomo wa mafelelezo.

⁴⁶ Cwale, kambe mutu nakali, uya ku mutu yomuñwi mi uli...nikile na utwa yomuñwi yali, "Kulukile, mu lukela ku kolobezwa," mi mutu yomuñwi yo ali kuba...Mwendji, yena, keleke yeñwi yene sa kolobezi, bafafalezwa fela. Na sepa, lubulele ka mutala, ba Methodist, ba kolobezanga haiba mu kupa cwalo, Na utwisia. Kamba mwendi...Ba Katolika, Na sepa ba fafalezanga fela. Kacwalo he haiba—haiba mutu akile autwa sesiñwi ka za "kunwelisa mwa mezi," kulukile, na si ka utwisia sani; na hulile ali wa Katolika. Kacwalo ukaya ku muprisita, mi uli, "Bo Ndate, Ni utwisia kuli lu lukela ku kolobezwa ka kunwelisa. Kana keleke yaluna ibulela cwani ka sona?"

⁴⁷ "Kiñi, ibulela kuli—kuli lu lukela ku fafalezwa." Haiba keleke yani kona mutomo, ani kona mafelelezo. Likañi kaufela lafela; keleke i bulezi cwalo, mi kipeto ku felile.

⁴⁸ Kucwañi he haiba...haiba muzwale wa Baptist akile alu utwa ha lu bulela ka za ku kolobezwa ka "kunwelisa"? Na ka li, "Na lumela cwalo."

"Mi ka Libizo la 'Jesu Kreste.'"

Cwale, yo—yo membala wa keleke u kutela ku bo mulisana mi uli, "Bo Mulisana, Ne ni kile na utwa mutu ya bulela ku na kuli lu lukela ku kolobezwa ka kunwelisa, ku lukile, kono ka Libizo la 'Jesu Kreste.'"

⁴⁹ "Ki hande," na kali, "cwale, ha lu boneñi. Kiñi, fa buka ibulela kuli lu swanela ku kolobezwa ka kuitusisa 'Ndate, Mwana, Moya o Kenile.'" Haiba keleke yani kona mutomo, ani kona mafelelezo. Hana taba ka seo sika kaufela si bulela; ani kona mayendameno a hae.

⁵⁰ Ki hande, kopano kaufela kona mutomo wa mafelelezo kwa balumeli ba yona.

Kono, ku na, ni ku bao Ni sepa kuli Ni etelela ku Kreste, ni ka Kreste, Bibele kona mutomo wa luna. Hakuna taba... Kakuli, Mulimu naize, "Manzwi a mutu kaufela abe lishano, mi Aka abe a Niti." Mi Ni lumela kuli Bibele ki mutomo wa Mulimu wa mafelelezo. Hakuna taba ka sa bulela mutu kaufela; Ki yona mutomo.

Bibele ha ki buka ya milao. Batili, sha. Ha ki buka ya milao, kamba litaba za ku ikuteka. Bibele ha ki buka ya milao, milao ye miñata hahulu, ni zeñwi cwalo. Batili, sha. Ha ki buka ya litaba za ku ikuteka. Batili, sha. Ha i cwalo. Kamba kuba buka

Ya litaba za kale, ni hanyinyani. Kamba, kuli Ki buka ya litaba za bumulimu. Kakuli, Ki sinulo ya Jesu Kreste.

Cwale haiba mutabela kubala sani, mina ba bana ni mapampili, mu iñole, yani ki Sinulo 1:1 kuisa 3, sina, Bibele ki "Sinulo ya Jesu Kreste."

⁵¹ Ha lu i baleñi fela ha lu sa na ni nako. Na lumela za... hanina zeñata hahulu ze ñozwi fa kuli ni bulele ka zona. Haiba nji Mulena a lieha ku taha, kiñi, lu ka lika ku linga.

Sinulo ya Jesu Kreste, yana mu file Mulimu, kuli abonise batanga ba hae litaba ze swanezi ku taha kapili; mi ulumile ni ku lipaka ka lingeloi la hae ku mutanga hae Joani:

Yena upakile linzwi la Mulimu, ni... bupaki bwa Jesu Kreste, ni lika kaufela za na boni.

Una ni mbuyoti ya bala, ni baba utwa manzwi a bupolofita bo, ni baba buluka ze ñozwi mwateni: kakuli nako i fakaufi.

⁵² Kacwalo, Bibele ki sinulo yetezi ya Jesu Kreste. Mi Ne i ñozwi ki bapolofita. Maheberu 1:1, kwa... "Mulimu, Yana li mwa linako za kale na bulezi ku bo ndata luna ka bapolofita, mwa lizazi la maungulo le ubulezi ku luna ka Mwana Hae, Jesu Kreste," bani kona bene bali bapolofita, kaufela bona, haba beiwa hamoho. Jesu nali ku Malaki; Jesu nali ku Jeremia, Isaya, Elia. Bao kaufela nebali bona, nebali ku Yena. Mi seo muli sona kaufela, ni seo Ni li sona kaufela, li ku Yena; Manzwi, lupaka Linzwi.

Kacwalo kona mo I nezi buka ya milao, litaba za ku ikuteka kwa miinelo ya butu, kakuli yona ha Ki buka ya litaba za kale, kamba kuba ya litaba za bumulimu. Ha i cwalo. Kono Ki sinulo ya Jesu Kreste, Mulimu Yena kasibili ku i patulula, kuzwa kwa Linzwi kutaha mwa nama. Sani kona seo sili Sona. Bibele ki lona Linzwi, mi Mulimu ki nama, Mulimu mwa... Mulimu ki Linzwi, nitaluse, mi Jesu ubile nama. Kona sinulo, kamo Mulimu (lona Linzwi) na bonahalezi mwa nama, mi ni kupatululwa mwahali ku luna. Mi kona libaka A bile Mwana Mulimu; Yena ki siemba sa Mulimu. Mwa utwisisa? Cwale, Yena ha ki... Mubili ki siemba sa Mulimu, kuli mane ki Mwana.

⁵³ Mwana, sina ba Katolika ha ba bulela kuli, "Mwana wa Kuyakuile," ni likeleke zeñwi kaufela; linzwi lani mane hali utwahali hande. Mwabona? Haku lukeli kuba Kuyakuile, mi kipeto ku be Mwana, kakuli *Mwana* ki sesiñwi se si "pepilwe kokuñwi." Mi linzwi la kuli Kuyakuile, Ha koni kuba wa Kuya-... Yena wa kona kuba Mwana, kono Ha koni kuba Mwana wa Kuyakuile. Batili, sha. Hakoni kuba Mwana wa Kuyakuile.

⁵⁴ Cwale, kono Yena ki Mwana, kaniti luli, kuli Linzwi kaufela lene lili ku Jeremia, ku Mushe, ni Manzwi ani kamukana, sina

ha Na bulezi, "Abulela ka za Ka." Zani kaufela zeli sinulo ya niti ya Bumulimu ya Linzwi ne litilo felela mwa mubili wa butu, mi Mulimu a Li apesa mubili. Lani kona libaka la Na bizezwa kuli "Mwana," libaka La swaniswa kuba, "Ndate." Kiñi, ki nto fela ye bunolo, haiba mukona fela kutuhela kuli Mulimu asululele mwa munahano wa mina. Mwabona? Mulimu upatuluzwi mwa mubili wa nama, mulemuhe, kupatululwa mwa nama . . . kamba kuzwa kwa Linzwi kutaha mwa nama. Yani ki Muñoli Joani 1:14, "Mi Linzwi la ezwa nama, mi la to yaha ku luna."

⁵⁵ Cwale hamulemuhe Bibebe ye. Babañwi ba ku bona baize, "Oh, ki hande, Li ezize sa kuli, Li ezize sani." Kono ni mi bulelele taba yeñwi, fela halu . . .

Haluyeni mwa litaba za kale za Bibebe, fa muzuzu fela, mubone ko Li zwelezi. Ne I ñozwi ki bañoli baba mashumi amane baba shutana. Baana baba mashumi amane kona bene ba ñozi Bibebe, mwahala nako yelikana lilimo ze mianda ye sikisitini, mi ka linako ze shutana, ka ku bonisa likezahalo za butokwa ni kufita ze kile za ezahala mwa litaba za kale za lifasi, mi, linako zeñata, lilimo ze mianda anda lisika ezahala kale. Mi hakuna nihaiba iliñwi ye fosahalile mwahala Libuka ze sikisite-sikisi. Oh, mawi! Hakuna muñoli usili kwanda Mulimu Kasibili ki yena ya kona kupetahalo cwalo. Hakuna nihaiba Linzwi lililiñwi le li lwanisa leliñwi.

Muhupule, lilimo ze mianda ye sikisitini mwahali, Bibebe ne iñozwi, kuzwa ku Mushe kuya—kuya kwa lifu la—la Joani fa sooli, kamba fa Sooli sa Patmosi. Lilimo ze mianda ye sikisitini, mi ne iñozwi ki bañoli baba shutana baba mashumi amane; yomuñwi a sa zibani ni yomuñwi, mi ne ba sikaba ni Yona kakuba "kuli Linzwi." Babañwi ba ku bona mane ne ba si ka bona nihaiba "Linzwi." Kono hane ba I ñozi, mi ne ba zibahala kuli ki bapolofita, kasamulaho, hane ba kopanyize sipolofita sa bona hamoho, yeñwi ni yeñwi ya zona ne iswalisana ku yeñwi ni yeñwi.

⁵⁶ Mutualime ku Pitrosi, yana zibahalisize ka Lizazi la Pentekota, "Mubake, mutu ni mutu wa ku mina, mi mu kolobezwe ka Libizo la Jesu Kreste ka swalelo ya libi za mina."

Paulusi na sika utwa kale ka Zona. Naile kwa Arabia ka lilimo zetalu, kwa ku yo balisisa Testamente ya Kale, ku yo bona Ya nali Siita sa Mulilo sani sene si bulela ku yena mwa musipili, hana ize, "Saule, kiñi ha u Ni nyandisa?" Kana na ka fosa cwani? Yena mane na sika buza nihaiba kwa keleke ni hanyinyani.

Mi lilimo ze lishumi ka zene hasamulaho, hana kopani ni Pitrosi, ne ba kutaza lika zeswana, Linzwi ka Linzwi. Yani kona Bibebe yaluna. Linzwi la mutu kaufela ha lipalelwe. Ye, hakuna mutu yaka ekeza ku Yona. Musike mwa ekeza sika kwa Bibebe. Batili, sha. Ye kona Sinulo yetezi. Ku felile.

⁵⁷ Sina Limamatela Zesupa. "Limamatela Zesupa," yomuñwi na tundamezi ku ni bulelala kuli, "cwale uka... Mulena uka bulela ku wena, Muzwale Branham, fani Limamatela ze ha li ka patululwa, mi lika lu bulelala mwa kusutelela bukaufi ku Mulimu, ni mwa ku ezeza lika."

⁵⁸ Se nili, "Batili, sha, haku konahali. Kakuli, Bibebe, Limamatela Zesupa ku Yona ne li na ni makunutu apatilwe. Ne li ñozwi kale, kono ne ba sa utwisisi seo Ne lili sona."

Mutalime mo ne ba zamaelela ni zona, ka ku kolobezwa ka Libizo la "Jesu"; mwabona, zani ne si zona. Libizo la "Mulena Jesu Kreste"! Mwabona lika zani kaufela, mo ne ku inezi. Kakuli, kuna ni bo Jesu babañata hahulu; Ni na ni balikani mwa lifasi mo ba babizwa "Jesu," balikani ba bakutazi. Ha ki bona. Kono ki "Mulena Jesu Kreste."

Hakuna muñoli usili kwanda Mulimu ya kona kuba ya petehile cwalo. Cwale halu boneñi fela ka mo ne iñolezwi Bibebe.

⁵⁹ Cwale, lu bulele ka mutala, kuzwa... Kucwani hane lu kaya cwale ni kunga libuka ze sikisite-sikisi za milyani ze ambola ka mubili, ze ñozwi ki likolo zeshutana ze mashumi amane, mwanda ni ye sikisitini... kamba lilimo ze mianda ye sikisitini mwahali? Mu nahane mukwa wa swalisano yene lukaba ni yona?

Fani, George Washington, mueteleli wa luna, ka lilimo ze mianda yemibeli zefitile, kwa katabi, ne ba comozi linala la hae la munwana wa lihutu ni ku zusa mali ataza licika. Kucwani hane lu ka nga...

⁶⁰ Haluyeni fa pata nyana, kwa lika zeñwi ze lu lata hahulu kacenu, yani ki sayansi. Kucwani hane lukanga sayansi ye mashumi amane ye shutana, kuzwa mwa lilimo ze siyani ze mianda ye sikisite, ni ku bona sene lukaba ni sona? Mutu wa sayansi wa mu French, lilimo ze mianda yemilatu ze fitile, ka kupakiwa ka sayansi, ka kupikulusa mbola, kuli, haiba lubilo lo lu sabisa kaufela ne lu ka fumanwa ka limaele ze mashumi amalalu ka hola, sika ne si ka zwa fa lifasi ni kuwa kwateni. Kana munahana kuli sayansi ne ika swanisisa ku sani? Kana kuna ni swalisano ku sani ni hanyinyani cwale, haba koboca limota mwa mikwakwa, mwa linzila kwanu, ka limaele ze mwanda ni mashumi aketalizoho ka hola? Mwabona? Kono yena ka sayansi na pakile sani, ka lubilo lwa mbola ye pikuluha kutahafafasi, kuli ki ka limaele ze mashumi amalalu ka hola, kuli, sika kaufela ne si ka nanuha fa lifasi ni ku iconga, ne si ka wela mwa mbyumbyulu. Batili, hakuna tamahano ye zwelapili ku zani.

⁶¹ Kono hakuna Linzwi lililiñwi mwa Bibebe le li lwanisana ni leliñwi. Hakuna nihaiba mupolofita alimuñwi yakile akananisana ni yomuñwi. Ne bali, yomuñwi ni yomuñwi, ka kupetahala. Mi cwale alimuñwi hana taha ku to polofita, mi mupolofita wa niti yani na yema ni ku mu biza, kipeto li to

ezahala. Mwabona? Mwabona? Kacwalo Bibebe ki Linzwi la Mulimu, kwa balumeli ba niti kamukana.

⁶² Cwale, hamukoni kufumana bupetehi ku ze ba eza baalafi ka ze ba lumelelana ku zona. Mane hamukoni nihaiba kufumana bupetehi ku bona ni cwale. Hamukoni kufumana bupetehi mwa sayansi cwale.

Cwale, mwa ziba, nako yeñwi yefitile, neba lu bulelezi... kuli, "Fani Bibebe hane i bulezi kuli 'na boni Mangeloj amane inza yemi mwa maneku amane a lifasi,' kuli zani ne li sa konahali. Lifasi neli li sikwenda." Kono Bibebe i bulezi kuli, "maneku amane." Ki hande, cwale mu boni, lisunda zepeli ze fitile, kamba lisunda zetalu, ze se fitile cwale, mitende ina ni taba ye, ne ba fumani kuli lifasi ki la makona amane. Ki babakai bene ba boni sani? Kiñi, luli. Mwabona? Ni na ni sona siswanisizwe, ni libelela fela kuli mutu abulele sesiñwi.

⁶³ Mi ba ka fumana, zazi leliñwi, kuli haba boni lilimo ze mwanda ni mashumi aketalizoho a mbyumbiyulu ya liseli niteni. Za zamaya mwahala sikwenda. Zani lianzi ona cwalo.

Mu ka fumana, leliñwi la mazazi a, kuli ha mu kaya kwa Lihalimu, hamuna ku fufela kusili fela. Mu sa li teni ona fa, ni mina, ki mwa sibaka fela sisili sa ku akufa kufita se.

Ona mwahala muzuzu o ku fumaneha mubala. Mubala kaufela, hembe, ndelesi, kaufela se mu nani, ki sa Kuyakuile, siteni mwa libuka, siya sipotoloha ni kupotoloha mwa lifasi. Nako kaufela ha mukobya meto amina, liteni mwa libuka. Mulemuhe, mazimumwangala aka paka zani.

⁶⁴ Ha mu pepiwa, Mulimu utomile litaba zateni. Ha lipanga sani... Kubeya piho ku zona, ha liezi lilata leliñata fa nako nyana, mwa ziba. Yani ki yena mbututu yo munyinyani, konji haifita fa buikalabelo; kipeto lilata la kalisa, ukala kubulela lika ni kueza lika za lukela ku alabela. Mi cwale bupilo bwani ha bu fela, piho yani kamba tepu kipeto yangiwa ni kubeiwa mwa—mwa libulukelo lelituna la libuka za Mulimu. Cwale, kana muka fita cwani bukaufi ni yona ka Zazi la Katulo? Ika liziwa fapila mina, muzamao kaufela one mu ezize, muhupulo kaufela ono zamaya mwa munahano wa mina. Kana mwa bona sani? Cwale mwa bona ko Mulimu...

⁶⁵ Ne nze ni yemi fa, busihu bo buñwi, ne ku na ni mutu fa katala, yomutelele, muuna wa sitenda, mutu yana bonahala bunde luli, ya tiile. Mi ki ha ya kwande... Mulena na mu bulelezi lika zeñata ka lubasi lwa hae ni sa na lukela kueza. Mi ki ha ya ku yo inafafasi. Mwa mizuzu ye likani, fa se kutaha muuna yomuñwi fapila ka sina cwalo, kono na inamisize toho ya hae. Ne ni sa utwisisi, mi Na talima muuna yani hape kwani; mi yena... Na si yena, kakuli neli sesiñwi fela. Mi muuna yo, Ne ni palelwa ku utwisisa. Na talima kafa ni kafa, hakuna yomuñwi kwa mulaho, wa ka. Na li, "Muuna yani uinzi mwahala masila

ani kwani.” Mi neli . . . muzwale ya tahanga kwa keleke kwanu, yomutelele, wa sitenda, muuna yana bonahala yomunde cwalo. Mi na inamisize toho ya hae, inza lapela, kakuli nali fela bukaufi ni kushwa ka butata bwa mba.

Na ya kwa kunga makatulo. Musala hae na bata kuli aleke makatulo a manca. Ki hali, “Batili, Ha ni lukeli kuba ni ona, kakuli ha Ni na kupila kuli ni no atinanga.”

Na nza shwa. Mi ali kuina fani, mwa bona, mwa siemba sani, haleluya, Mulimu natilo zamaya fela mwani ni kubulela kuli, “Ki yani uinzi fani,” ka sibaka fela sana inzi ku sona. Mwa bona se Ni talusa?

⁶⁶ Cwale mulemuhe, mi hakuna niheba mafosisa mwa Mañolo. Jesu, Linzwi la Mulimu, u lemuha mulelo oli mwa pilu. “Linzwi la Mulimu li mata, li buhali,” Maheberu 4:12. “Linzwi la Mulimu li buhali, kwa mata lifita mukwale olozizwe kafa ni kafa, mane li lemuha ni milelo ni maikuto a mwa munahano.” Mwabona? Laya ka ku shetumuka kukena mwa munahano, ni kuhohela kwande, ni ku lemuha. *Kulemuha* ki nto mañi? “Ku zibahaza, ku patulula.” Mi sani kona se lieza Linzwi la Mulimu.

Kacenu lu bulela kuli, “Keleke ya Katolika kona Linzwi la Mulimu; ba Baptist, ba Methodist, ba Pentekota, ba tabernakele.” Ani ki mafosisa. Linzwi kona sinulo; Mulimu, ya patuluzwi ka Linzwi.

⁶⁷ Batili, ne lu ka ba . . . ni tamahano kaufela mwahala batu ba milyani, mwahala batu ba sayansi, baba shutana.

Kambe Einstein nakaba fela ni kutalima ka moyo, sina hana bile ni—ni kutalima kwa butu, sina hana balisisa mulao wa liseli, ni zeñwi cwalo, na ka lu bulelela sesiñwi. Fani hane Ni utwile liñusa la hae ka za kansa tuna yani kokuñwi mwa mbyumbiyulu, kuli, “Yakile aswalisana ni siemba sani, ne muka kona kubupa mafasi, kueza sika kaufela, mi mata nasike apalelwa.” Mwabona? Na boni sani.

⁶⁸ Mwa bona lipokoto zenyinyani ze zeyanga mwa mbyumbiyulu, ba libiza kuli “likotolo,” zeñwi cwalo. Sicaba ka . . . Kukuli, kihande, ku hande lusiyé sani. “Mu utwile batu ba kaufela baba sweli ku lateha?” mo mubulelela. Ha mu ba utwi; ba yemi kwani, kono habayo kwani.

Cwalo kona mo ku kabela ni Kuungelwa. Alimuñwi wa bona uka welafafasi, mi kipeto mubili oshwa o uka apala mubili o sa shwi. Mi ku kaba . . . litalo, milili, kamba masapo aka siyala; lika cinciwá mwa nako nyana fela, kuwa kuzwa mwa mbyumbiyulu ni kuya kwa Hae. Lu bona lika ze kaufela ha liezahala cwale, mi—mi ba Pentagon ba komoka ka maseli aa, ni maseli a sa bonahali, ni lika kaufela ze ba bona mwa—ona mwa mbyumbiyulu. Ne muboni kuli ne ba na ni alimuñwi kwanu mwa mutende kwa Jeffersonville sunda ye, ni zeñwi cwalo, “liseli la kunutu.” Kacwalo, oh, haba zibi kuli zani ki

likamañi. Kono muteeleze, bana babanyinyani, Li ka mi nanula, leliñwi la mazazi a. Mwabona? Mwabona? Musike mwa bilaela.

Muhupule, Jesu naize, “Sina mo ne ku inezi mwa mazazi a Sodoma.”

⁶⁹ Ki sikamañi sene siezahalile kwa mulaho mwa Sodoma? Mulimu natulukile ni Mangeloi amañwi, mi Ne ba na ni katulo ye batisisa. Ali, “Ni utwile sililo, kuli ki libi zeñata hahulu, hahulu luli, kacwalo Ni tile kuto batisisa haiba ki niti kamba kutokwa.” Ki niti kana? Mutokomele alimuñwi Yani yana inzi ni Abraham, nakonile ku lemuha maikuto a pilu ya Sarah, kwa mulaho wa Hae.

Cwale, mu talime fela kai ni kai mi mulemuhe, mwabona, mubone Sene siezahalile, taba yeswana ni kacenu. Ki katulo ye tikitiba.

Kiñi, kasamulaho nyana, Keleke, ha I kona kuyema mwa sibaka sani, mi peu kaufela i tisizwe fa sibaka sa yona, bakaba baile. Habana kuziba se si ezahalile. Alimuñwi uka ya kwa neku leliñwi. Mwabona? Alimuñwi uka ya kwa ndu ya mukutazi, mi yomuñwi uya *kwa*, kamba ku shetumuka *kwani*, mi, taba yapili mwa ziba, ha ba yo kwateni. Kakuli Enoke yanali mufuta wani, “Mulimu na mu ngile, mi na sika fumanwa.” Kutaha ku to tikitiba! Zwelopili, ka mwa na shimbezwi Enoke, mufuta wa Isilaele inza lwezwi mwa areka . . .

⁷⁰ Ka kupetahala luli, Linzwi la Mulimu li petehile hahulu, mane nihaiba mwa Testamente ya Kale ni Yenca, ki liemba zepeli zepanga sibyana silisiñwi. Yani ki niti. Testamente ya Kale ki iliñwi ya Yona, mi Testamente Yenca ki siemba sa Yona; amu I beye hamoho, muna ni sinulo yetezi ya Jesu Kreste. Kuna ni bapolofita baba bulela, mi fa Utensi ku Mutu; mwabona, liemba zepeli ni sibyana silisiñwi. Cwale halu lati kunga hahulu . . .

⁷¹ Cwale, muhupule, Testamente ya Kale haisika kwana kusina Yenca. Mi ni Yenca haikoni ku kwana kusina ya Kale. Lani kona libaka ha Ni bulezi kuli ki liemba zepeli, ka sibyana silisiñwi. Kakuli, bapolofita neba ize, “Uka ba fa! Uka ba fa! Uka ba fa; ba ka eza se ku Yena. Ba ka eza se ku Yena!” Mi ki yo Uinzi fa, “Na li fa! Na li fa, mi ba eza se ku Yena, mi ba eza se ku Yena.” Ni katalize ku sani masihu nyana a fitile.

⁷² Cwale, fakuli lu bale Mañolo, Paulusi na bulelezi Timotea, “U bale, utomahanye Linzwi la Mulimu ka tokomelo, le lili Niti.”

Kuna ni zetalu za butokwa hahulu mwa Mañolo. Ni itusisa Linzwi la Mulimu, kuna ni lika zetalu ze mu sa lukeli kueza. Cwale ha lu baleni zani ka mizuzu yetatama ye lishumi; lika zetalu ze mu sa lukeli kueza. Mi ni mwa naha kaufela, kaufela ko mu inzi, mwahala naha kaufela, mubone kuli mwa kenya ze mwa minahano ya mina haiba hamuna potoloto. Ha mu lukeli kueza lika ze. Lwa mi bulelelanga kamita mo mu lukela ku ezeza, cwale Ni ka mi bulelela se mu sa lukeli kueza.

⁷³ Cwale, ha mu lukeli ku toloka Linzwi ka *mafosisa*. Mu li, “Ki hande, Na lumela Li talusa *cwana*.” Li talusa fela ona cwalo mo Li bulelela. Ha litokwi mutoloki. Mi ha mu lukeli *kulatehisa* Linzwi. Mi ha mu lukeli *kuloba* Linzwi. Mi haiba lu ka eza iliñwi ya lika ze, lika nepela Bibebe kaufela mwa kulyangana mi ni mwa butata.

⁷⁴ Mulemuhe. Ku toloka Jesu ka mafosisa, mwa mufuta wa Mulimu ku mutu, ne mu ka Mu panga—ne mu ka Mu panga Mulimu alimuñwi kuzwa ku babalalu. Ku toloka Jesu Kreste ka mafosisa yali yena Linzwi, ne mu ka Mu panga Mulimu alimuñwi kuzwa ku babalalu, kamba ne mu ka Mu panga Mutu wa bubeli mwa Toho ya bumulimu. Mi ka kueza cwalo, mwa kona ku lyanganisa Mañolo kaufela hamoho. Hakuna ko mu kaya. Kacwalo ha Li lukeli kutolokiwa ka mafosisa.

⁷⁵ Mi haiba mubulela taba yeñwi, mu beya toloko yeñwi ku Yona, mi mu Li beya mwa nako isili; kamba Li beilwe mwa nako isili, ni ni fo hape mu panga toloko ye si ka luka.

⁷⁶ Haiba mutu kaufela utoloka Jesu Kreste ka mafosisa mwa Bibebe, kuli ha ki Mulimu Kasibili, ku Mu panga kuba Mutu wa bubeli, kamba Mulimu alimuñwi kuzwa ku babalalu, se sakona ku filikanya Linzwi kaufela la Bibebe kamukana. Ne li kaloba mulao wa makalelo, “Usike wa ba ni milimu isili fa pila Ka.” Ku lukile. Si ka panga lusika lwa Bakreste kaufela mwahala sishañata sa bulapeli bwa buhedeni baba lapela milimu yemilalu ye shutana. Mwabona mufuta wa Bibebe ye mukaba ni yona? Kona kuli sika lupanga kuba seo Majuda ba bulela kuli kona se luli sona. Ali, “Ki ufi mwahala milimu yani yeli Mulimu wa mina?” Mwabona? Kacwalo, mwa bona, ha mukoni... Hamulukeli ku toloka Bibebe ka mafosisa.

Kakuli, Jesu Kasibili ki yena toloko ya Bibebe, Ha iponahalize mwa lusika lo kuli siemba sa Mubili wa Hae sa iponahaza. Haiba ki lusika lwa lizoho, ilukela kuba lizoho; haikoni kuba lusika lwa toho. Haiba ki lusika lwa linzwi, ki hande, he, haina kuba lusika lwa lihutu. Mwabona? Mi cwale lu mwa lusika lwa liito. Mi cwale lo lutatama, ki Yena Kasibili, ya taha. Inza bona; ka sipolofita!

⁷⁷ Mwabona, mwahala masika, lu kalezi kuzwa kwa mutomo, kukala kwa keleke ya nako ya pili; fani Peu hane ikeni mwa mubu, yona Peu ka kutala. Mi se i taha kuto zamaela mwa mahutu, Luther; kutaha ka kufita ku Wesley; mi ni kukena mwahala Mapentekota, malimi, mwa milomo, mwabona; cwale seli mwa meto, sipolofita, sa Malaki 4, ni zeñwi cwalo. Mi cwale hakuna sika se si siyezi kuli sitahe kono konji Yena Kasibili kuli akene mwateni, kakuli sani kona sika sa mafelelezo ku ze liteni.

Se si tatama ki butali, mi luna haluna butali bwa luna bañi; ki bwa Hae. Haluna meto aluna bañi. Kana mutu ukona kubona cwani lika ze sa taha kwapili zani? Ha koni kueza cwalo. Ki

Mulimu Kasibili. Mwabona, si—si fitile fa sibaka se si cwalo. Mi Ubusa mubili kuya apahama cwalo, konakuli Mubili otezi wa Kreste upatuluzwi mwa mufuta wa Munyaliwa ono zusizwe mwa makupo a Hae, sina Adama mwana ezelize kwa simuluho . . . sina mwana bezi Adama, nitaluse, kwa simuluho.

⁷⁸ Eeni, “kalimu,” se sikona kubeya Bibebe kaufela mwa kulyangana, kuloba mulao wa pili, ni kupanga kalimu, kalimu ka buhedeni bwa zetalu. Ne li ka—ne li ka sinya fela siswaniso kaufela sa Bibebe. Kacwalo ha mu lukeli ku toloka Bibebe ka mafosisa. Cwale, yani ki taba iliñwi fela.

⁷⁹ Fani, Liñolo kaufela mwa Bibebe li na ni muinelo o swana, mu lukela ku Li beya mwa sibaka sa Lona. Mi ku Li latehisa, mwa kona ku Mu eza kuli abe Mulimu mwa lusika loluñwi, mi—mi mwa lusika lo lu tatama mu Mu eza kuba taba ya kale, ku Li latehisa. Kacwalo ha mu lukeli lu latehisa Mañolo. Yena ki Mulimu mwa linako kaufela. Haiba mu Mu panga kacenu kuba Mulimu wa kale, seo nali sona kwa mulaho kwani, mi ha Bi ya swana kacenu, ki sikamañi se mu ka eza ka Maheberu 13:8? Mwabona, “Yena wa swana maabani, kacenu, ni kuyakuile.”

⁸⁰ Cwale, kacwalo mwa bona sesika ezahala, ni se si ezahalile. Si ezahalile kale, kueza kuli A latule Linzwi la Hae Tota, kuli alatehise Mañolo.

⁸¹ Ku lobaka Mañolo, mwa kona kubeya mubili wa Hae ka mafosisa, lihutu fo ku lukela kuba toho, kamba sesiñwi. Ka kuswana fela sina . . . Manzwi amañwi, mu kona kuba ni Jesu inza kutaza Liñusa la Mushe. Mwa kona kuba . . . kamba mane nihaiba Wesley kukutaza mwa lusika lwa Luther. Mwa kona kuba cwale, lusika lwa luna, lu lute Pentekota, liñusa la lusika lwa Pentekota. Ki kuli mwa bona busafa bo ne Li kaba ku bona? Pentekota i bonisize kale mibalaya yona. Luther ubonisize kale mubala wa hae, naile mwa kopano. Ki ha i shwela ona fani. Lusika lwa shapwa; se luya ona cwalo.

⁸² Mulemuhe, ona ha ne itilo ikonga fela, se i shwa. Cwale, mubone fela haiba yani ha ki niti. Mutualime fela mwa makepe a litaba za kale. Nako kaufela hane ikonga konga, ne ishwelanga ona fani; ne ku sa bangi ni zeñwi za zona. Ne i tiloba—i tiloba mulapeli wa mulimu wa lifasi le, mi ya ya kukena mwa tutengo, ni likwata, ni likopano, ni liponahazo. Sishañata sa ma Ricky sikeni mwahali mwani ni kubeya maikuto abona ku yona, kamba si kenisize mihupulo ya sona, nitaluse, ku yona. Mi ki sikamañi sene si ezahalile? Ne litiloba busafa. Kuya ku yo kena mwa kuba toho ya mulimu wa lifasi le, ko ba ka beya Satani kasibili mwa lubona, ka ku nahana kuli bana ni mueteleli yomutuna wa lifasi kuli aba tiseze kozo.

⁸³ Ne ni mi bulelezi zazi leliñwi, Ni ka bulela hape, kuli neba zwelopili kasibili kacenu ki ye Iwanisana ni Mulimu. Zwelopili ya shutana ni Mulimu. Tuto ki limaele ze likiti kuzwa ku

Yena; sayansi ki limaele ze likiti. Sayansi ni tuto li lika ku hanyeza Mulimu, mwabona, ka kufitela mwa likolo za lituto za bumulimu, ni libaka za sayansi, ni zeñwi cwalo. Ba bile ni nyungano ya bona.

Kucwani he ka pono ya busihu bo buñwi, ka muuna yana huwile kuhuweleza batu ba sayansi bani bene ba sulula lika zani cwalo? Ne ba sikuluhile fela ni kutalima mwa halimu, ni kuzwelapili. Ku kaba ni kupahama kulikuñwi.

⁸⁴ Mulemuhe, oh, lika zetalu ze lukela ze zatokwahala. Cwale, ha mukoni... Jesu na sika taha ku to kutaza Liñusa la Nuwe. Na sika taha ku to kutaza... Mwabona, musike mwa beya Mañolo fa siyo. Alukela kuba ka nako yateni. Cwale, ha mu koni kubeya... Fani muuna muhulu yani, John Wesley, hana tile, kamba...

Muuna yomutuna, Luther, fani Luther hana tile ni liñusa la hae la kutapiswa. Cwale sani cwale hane si... Luther neli muuna yomutuna. Na bizize keleke kuzwa mwa lififi, mi atomo za kubeiwa baba lukile ka tumelo. Mi hana ezize cwalo, ne ba yahile kopano fahalimwa zona, mi se i shwa. Bupilo bwa shimbuluka, sina mo ku inezi mwa lutaka lwa buloto, kukena mwahala lusika lwa Wesley, kuisa kwa sibunga. Kuzwa ku Luther se kutaha matali amañwi, sani ne si shwile ni zona, yeneli Zwingli, ni Calvin, mi kaufela baba siyezi bene ba zwile mwahala ba ongaongi ba batuna.

⁸⁵ Mi mwa mulaho kwataha Wesley, lusika loluñwi lo ne lu tubuzi mwa sibunga. Wesley, ni Atterbury, ni bani kaufela, mi—mi John ni muhabo yena wa muzwale, ni kaufela bona, baana babatuna ba Mulimu ni liñusa, ne batilo nyanganyisa. Ne ba ikongakongile; se i shwa.

Mi ki ha itaha ku to bonahala inge kuli ne ikabeya bubeke cwale, mi, ba to fumana kuli, neli sikapi, Pentekota.

Kono kwa mulaho wa lika kaufela, se ku shoshela mutai nyana.

Mi mu lemuhe, hañata... Na sepa, mwendi hasamulaho wa lilimo zetalu kamba zene Luther amano ba mwa simu, kuli keleke ya ba Lutheran ya to ikongakonga. Mwa nako fela ye kuswani hasamulaho wa Wesley hana tile mwa simu, ne itilo ikongakonga.

⁸⁶ Tucson, lubile ni—ni tukiso ya kamo keleke ya Wesley, kamba keleke ya Methodist, hane itilo iponahaza. Mi hane batile mwa America kwanu, buñata bwa bona ne ba tile mi se bali ne ba tomile kutwano—kutwano ni zeñwi cwalo, kuzwa kwa England, kuli litisa kwanu, ni ka mo ne li bulelezwi. Ne ni boni ona fani sene siezahalile. Ona kwani se i shwa.

⁸⁷ Kulukile, mwateni kwa tozwa ba Pentekota, baika ba kale bani mwa mazazi a kale, hane ba bile ni mpo ya kubulela ka

malimi, mi ba kala kubulela ka malimi. Mi se ba ibiza kuli, “ki ponahazo ya Moya o Kenile.” Mi se ba ikongakonga. Alimuñwi ali uka eza *se*, mi yomuñwi ueza *sani*, mi se baba ni litaba taba. Ki sikamañi se ne siezahalile? Leliñwi ni leliñwi la matali asika putana, ona cwalo fela sina mo ne ku ezahalezi mwa sibunga. Neba na ni ba oneness, twoness, threeness, ni ba church of God, ni babañwi ba kaufela; ne ba putuluhile, kuputuluha, kuputuluha.

Kono cwale, kuya ka ze bupilwe, yeli mutala o petehile, hamuna kuba si ka kaufela fakuli mu itute kuzwa ku Zona.

⁸⁸ Lubasi, lwa balikani baka kwani kwa Kentucky, ne ba nani mbututu yomunyinyani—yomunyinyani yana pepilwe zazi leliñwi, mi bo mahe ne ba zuhile hane ba tateha sico sa mulalelo wa luna. Mi ne ba tusa kezeli yomuñwi ku tateha sico sa mulalelo ku tatehela buñata bwa luna baana bene bile kwande ku yo zuma. Mi kacwalo mbututu akala kulila, mi ne Ni sweli kubulela. Na sepa bo mahe ne ba utwile kuswaba nyana, kacwalo ba mata ni kuyonga mbututu, mi—mi ba kala ku—ku anyisa mwana yani. Se nili, “Mwa ziba, sani ki sipepo.” Mwabona? Cwale, ha mukoni . . .

Ne ba si ka fumana kale nzila yende ya kuli mbututu ange sa na bata kwanda kulilela lika. Cwale, mwa kona ku mufa buka ya—ya buiswalo bwa bupilo, ni kuitomafafasi fani ni kubulela kuli, “Ni bata ku kuluta lituto za bumulimu, mushimani. Cwale, musike mwa hohoba sina banana babañwi; wena wa shutana. Cwale, ha ubata ku cisiwa, ulize fela mulang oinzi fa.” Zani halina kubeleka. Batili, halina fela kubeleka.

⁸⁹ Kacwalo, ha mu tokomela ze tahile, cwale lubona koo lusika kaufela, mi mane ni kutamahana hande mwa lusika lwa kuli lu mwa nako ya maungulo. Sikapi kele si yebuha kwateni. Mi lubile ni lilimo ze lishumi ni ze ketalizoho, mwendi bukaufi ni ze mashumi amabeli cwale, a lilimo, za Liñusa ha libubana mwahala naha, mi kakusasana cwana ba lu teezeza mwahala naha kaufela, mwabona, mi hakuna kopano. Haikoni kuba kopano. Haku sikaba kale sika se siswana sina yona, kamba se si ka taha mwa mulaho. Mwabona?

Fela—fela taba yeli butata ni Liñusa kacenu, ki, bani baba Li amuhezi mwa lipilu za bona balukela kuina fapila Kubateni kwa Mwana, kuli ba buzwe. Mwabona? Mwa kona ku nanula Liñusa, mi kipeto mutuhele kuli Mwana a ciseleze butala kaufela kuzwa ku mina, mwabona, kupanga Bakreste baba hulile. Mwabona se Ni talusa? Mulimu wa taha cwanoñu, kuto amuhela Keleke ya Hae, mi lu lukela kuba ni mufuta wani wa Bakreste kuli Yena a to banga. Kakuli—kakuli buloto bu lukela kubuzwa. Ku lukile.

⁹⁰ Lika za butokwa zetalu ze lilukela kuba teni. Ha mu lukeli kutoloka ka mafosisa, kamba ku Li lobaka, ku Li toloka ka

mafosisa, kamba kupalemwa ku-... kamba ku Li loba. Li lukela ku bulukiwa ona cwalo fela Mulimu mwana bulelezi kuli libe.

Kwa lifasi, Ki Buka ya kunutu. Sicaba si lumela kuli Yona ki Buka fela ya likunutu. Nako yeñwi ne Ni ambola ni muuna ya zibahala hahulu mwa muleneñi kwanu, ya sweli mayemo amatuna a Bukreste, mi ki hali, “Ne ni likile kubala Buka ya Sinulo busihu bulibuñwi.” Ali, “Joani nabile ni kuca mukali wa mbilimbili mi aba ni tolo ye sabisa.” Mwabona, ki Buka ya likunutu.

⁹¹ Kono, haili ku mulumeli wa niti, Ki sinulo ya Mulimu ya patululwa mwa lusika lo lupila ku lona. Na ize, “Manzwi a Ka ki Moya mi ni Bupilo.” Jesu nabulezi sani. Hape, “Linzwi ki Peu ya na cezi mucali.” Lu ziba kuli yani ki niti. Ki Mulimu mwa mufuta wa Linzwi, mi likona fela kutolokiwa ka Yena kasibili.

Ngana ya mutu haikoni ku toloka ngana ya Mulimu. Kana ngana ye nyinyani—yeniyanyi ye nani mafelelezo ikona ku toloka cwani Ngana ye sa feli, kanti mane lu palelwa nihaiba ku toloka ngana ya yomuñwi ni yomuñwi?

⁹² Mi mu lemuhe, Yena ki yena fela Anosi ya kona ku Li toloka, mi U Li tolokela ku Ya lata. Ne i sika bulela kuli, “Batu ba kale, hane ba sweli ku zamaya mwa lifasi mwa linako za kale ni ka mikwa yeshutana.” “Mulimu, mwa linako za kale ni ka mikwa ye shutana uipatuluzi Iliyena kwa bapolofita ba Hae.” Mwabona?

⁹³ Mi, mulemuhe, “Ku yo Alata ku Li patululela.” Mi U lukisize ona cwalo kuli A ipatange Iliyena mwa Mañolo, ku muituti ya butali ni kufita ya liteni. Oh, mawi! Yena wa kona fela kuipata Iliyena, ali kuina mwa Mañolo mwani, mi mu ka lubukela musihali kaufela mi mupalemwa ni ku bona; mutualime mukwa wa bupilo, mi mupalemwa ku bona. Yena wa kona kuipata Iliyena, ali kuina fani.

⁹⁴ Cwale, shangwe, kai ni kai, seo sinwele mwahali. Kuli, Mulimu, mwa Linzwi, wa kona kuipata Iliyena cwalo mwa Linzwi, kuli hakuna muituti wa za bumulimu kamba sikolo mwa lifasi ya kona ku Mu fumana, kono ibo Utensi ona fani.

Mu li, “Kana ki niti yeo, Muzwale Branham?”

Kucwani kaza Bafalisi ni Basaduki? Kucwani he mwahala lusika kaufela? U li petile. Luli. Uezize cwalo mwa lusika kaufela. Cwale lu ka kona kutatuba sani. Lu nahane ni ka mazazi a Nuwe; butali, lusika lwa baituti, ka mwa Na ipatezi Iliyena mwa Linzwi la Hae le li sepisizwe. Mwa mazazi a Mushe, ka mwa Na ezelize Yena muñi. Mwa mazazi a Elia, ka mwa Na ezelize Yena muñi. Mwa mazazi a Jesu, ka mwa Na ipatezi Iliyena. “Na li mwa lifasi, mi lifasi ne li ezizwe ka Yena, mi lifasi ne li sika Mu ziba. Na tile ku ba Hae Luli; Ba Hae ne ba si ka Mu amuhela.” Mwabona?

⁹⁵ Wa ipatanga Iliyena kuzwa ku baba butali kufitisa, mutu wa ngana ya butu wa mwa lifasi. Mu li, “Kihande, yo ki Dr. Caziba Ndate ya Kenile wa *kuli-ni-kuli*.” Hanina taba ka yo ali yena, Mulimu uipatanga Iliyena kuzwa ku yena; mi uka li patulula kwa limbututu ze kona kuituta, mwabona, limbututu za Mulimu, lipeu ze lukisizwe.

⁹⁶ Munahane. Mulimu ya Mata, inza inzi mwa Manzwi A Hae, ku foufaza ya butali, sicaba sa lituto sa lusika lwa kacenu lo, mi ha ba boni. Ba nahana kuli ki sishañata fela sa ketululo. Ku Mu talimela inza yemi fani ali kuipata, kwa Mapentekota, ba Baptist, ba Methodist, ba Presbyterian. Kuipatulula Iliyena kwande ku ba bañata, ni ku bonisa mifuta kaufela ya lika, nihaiba ku libeya fela mwa mutende, ni lika ze cwalo, ibo ha ba liboni. Oh, Mulimu wa luna, yo mutuna, uipatulula Iliyena ku Ya lata kaufela.

⁹⁷ “Oh,” mu li, “Muzwale Jones kamba Muzwale *Wakuli-ni-kuli*, ki—ki mutu yomutuna. Uka Li bona.” Oh, batili. U Li patulula ku Ya lata kaufela. Uli, “Musala ka ha Li boni, mi yena ki musali wa Mukreste.” Wa i patulula Iliyena ku Ya lata kaufela. “Kihande, mulisana ka ki muuna yo mutuna.” Yani ki niti, kono Yena wa ipatululanga Iliyena ku yo kaufela A lata. Cwale, mutatube se si patuluhile, ku se si ezahala, konakuli muka . . . mwa kona ku li utwisia.

⁹⁸ Cwale lwa lemuha cwana, lipanga Kuba Buka ya Mulimu mi ha ki buka ya mutu. Kambe Ne ikaba ya mutu . . . Cwale ha lu talimeñi mo ne I iponahaliseza ili Yona. Mu talime mo I patululela sibi sa batu bene ba I ñozi, mulemuhe, baana be ne ba—ba pilile mwa lizazi la Yona.

Abrahama, ka mutala, ubizwa “ndate wa ba basepahala.” Mulemuhe ka mone . . . Kana mu nahana kuli Abrahama na iñolezi Buka ye ka yena muñi, ka bupyeha bwa hae fela? Kana munahana kuli na ka ñola ka mwa na pumezi mulena yani kakusasana wani, ni kubulela kuli nali kezela hae, kanti neli musala hae? Kana ne ika ñola ka za likezo za hae za bupyeha za na eize? Luli, na si ka be aeza cwalo.

⁹⁹ Kucwani ka za Jakobo ni buhata bwa hae? Lihata nyana yo Jakobo nali yena. Kana mutu—mutu—mutu, muñolo wa Siheberu wa muzwale wa habo wa Muheberu, kuli ku yena kuli Isilaele kaufela ne i bizizwe, kana na ka nyamatala kuñola buhata ndatahe linaha kaufela? Ku Jakobo, kona ko ne ku zwile bashemi ba kale; kuzwa kwa bashemi ba kale, kona mo ku zwile masika. Mi licwe la mutomo la zona kaufela, Bibele ya mu patulula kakuba mupumi. Ki niti yeo nji? Mu nahana kuli mutu na ka ñola zani? Batili, sha.

¹⁰⁰ Kucwani he mutu haka ñola ka za mulena yomutuna yakile aba teni mwa lifasi, sina mulena ya filwe mushukwe; Davida,

mwa kubuka kwa hae? Kana Majuda bani ne ba ka ñola ka mulena bona ya ishuwile kuli neli mutu wa boozwa?

Oh, lu na ni litaba za kale, sina, “George Washington na sika bulela kale buhata,” ni lika ze cwalo. Lu bulela kuli, lu biza zani kuli ki za kale.

Kono yo ki mutu, Bibebe ye biza Davida kuli “wa boozwa,” mi nali cwalo. Mulena wa Isilaele, abe wa boozwa yana lukela kuba mwana . . . Jesu kuli abe Mwana Davida. Ona licwe la kwa Toho; ni ndata He, kuya ka nama, nali wa boozwa. Majuda ne ba si ke ba ñola Buka ye cwalo. Ki kuli mutu na ka ñola ze ka yena anosi? Batili kutokwa.

¹⁰¹ Kana naha yani ya Isilaele neika eza cwalo? Mwa ziba mo ne ba mulatela ka muikuhumuso. Naha ye ikuhumusa ya Isilaele, neile ku yo ñola ka za boozwa bwa bona luli, kuñola ka za kusa utwela kwa bona ku Mulimu wa bona, neba ka ñola kulwanisa masila abona, lika za masila ze ne ba ezize, mi za ñolwa mwa buka? Ne ba ka pata lika zani. Ne ba ka bonisa fela lika za bona zende. Kono, Bibebe ye, ibulela se si lukile ni se si fosahalile. Mi, mutu kaufela wa ziba kuli Majuda ne ba si ke bañola Buka ye cwalo, kuama ka ku sa kena kwa bona, ni bulapeli bwa milimu, ni bupalelwi, ni lika kaufela ze ne ba nani. Ne ba si ke bakona kuñola ze cwalo. Oh, batili.

Cwale, Ki mañi yana I ñozi? Bibebe i bulezi kuli, mwa Maheberu 1:1, “Mulimu, mwa linako za kale ni ka linzila ze shutana na bulezi kwa bashemi ka bapolofita.” Mi, ne si bapolofita, ne si ka mubili. “Mulimu!” Isiñi “bapolofita mwa nako ya kale.” Kono, “Mulimu, mwa linako za kale, ka linako zeshutana na bulezi kwa bashemi ka bapolofita.”

Ni na ni Liñolo le liñozwi fa. Ha ni zibi kuli Ki sikamañi sani; Hani koni ku swanisisa ku Yona. Hañata, ha Ni sweli kuswanisisa kwa lika ze, Ni talimanga fa Liñolo. Ni ka i talima fa muzuzu fela, haiba mu ni swalela. Ki Timotea Wabubeli 3:16. Ne—Ne—Ne ni ziba kuli Ni ka upula sani, kono mu ni swalele. Ni ka yema fela fa muzuzu kuli ni batisise seo ili yona.

¹⁰² “Mulimu, mwa linako za kale ni ka linzila ze shutana na bulezi kwa bashemi ka bapolofita.”

Cwale Timotea Wabubeli 3, 3:16. Halu boneni se i bulela mwa 3:16.

Liñolo kamukana (eehe) litahile ka susumezo ya (Bapolofita? Batili.) . . . susumezo ya (Sikamañi?) Mulimu, mi li na ni tuso kwa ku luta, ni ku kolisa, ni ku nyaza, ni kuhulisa ka kuluka:

Kuli mutu wa Mulimu ayeme ka kupetahala, atalifele luli misebezi kaufela ye minde.

¹⁰³ Ku lukile, he, Liñolo kaufela liñozwi ka susumezo. Jesu, fa fa lifasi, na bulezi kuli lihalimu ni lifasi li ka fela, kono Linzwi la

Hae ne li si ke kufela. Na ize Liñolo kaufela li lukela kutalelezwa. Kacwalo he Buka ha ki buka ya litaba za ñozi mutu. Ki Buka ya litaba za ñozi Mulimu.

¹⁰⁴ Cwale, luziba kuli Mulimu na ketile Keleke ya Hae ka kulemuha kwapili, sibaka sa Hae, bapolofita ba Hae, ni ka zona kaufela. Ka kuziba kwapili kwa makalelo, Na ketile kale mupolofita wa Hae. Mi cwale nako ha ne ifitile, Nabile ni mupolofita wa Hae yana tile ka nako yeswana, ni ku mu susueza ha Na ñozi Bibebe ka yena. Cwale, Mulimu na ñozi Bibebe ka kuitusisa mupolofita, kakuli yani kona nzila ya Hae ya kueza lika ka yona. Kacwalo, mwabona, ha ki linzwi... Kacwalo, mwabona, Ki Linzwi la Mulimu, mi isi linzwi la mutu.

¹⁰⁵ Mulimu ki Mutu. Mulimu wa kona kubulela. Mulimu wa kona ku ambola. Mulimu wa kona kuñola. Na sa lukeli kueza ka nzila yani, kono yani kona nzila ya Na—Na ketile kueza ka yona. Na sa lukeli kueza ka nzila yani, kono Na ketile kueza ona cwalo. Cwale mu bulela kuli, “Mulimu na ñozi ka munwana wa Hae, munwana wa Hae Luli wa bulena, milao ye lishumi. Kacwalo Mulimu na ka ñola, Yena luli, haiba Na bata kueza cwalo.” Mwabona? Kono Yena—Yena na ketile ku I ñola ka bapolofita, mwabona. Kakuli neli muinelo wa Hae, Linzwi la Hae, Na iponahalize ka bona, kueza lika kaufela kuba siemba, kamba kuba siemba sa Hae. Mwabona? Na ñozi ka munwana wa Hae. Mi hape na ngile munwana wa Hae ni kuñola fa mamota a a Babilona, “Wena ubeilwe fa sikala mi ufumanwi kuli u bubebe.” Na ñozi ka munwana wa Hae Tota.

¹⁰⁶ Mulimu wa kona kubulela. Kana mwa lumela kuli Mulimu wa kona kubulela? Na bulezi ku Mushe fa lilundu, mwa sicacani se si tuka mulilo. Mwa lumela cwalo? Eeni, sha. Na bulezi ku Joani, mwa mufuta wa nkwilimba, (mwa lumela cwalo?) kuli, “Yo ki Mwana Ka ya latwa ili Yo Ni katelwa kuina.” Na bulezi ku yena. Na bulezi ku Jesu fa Lilundu la Kubenya, fapila Pitrosi, Jakobo, ni Joani. Wa kona kubulela. Yena ha ki simumu. Mulimu wa kona kubulela. Kacwalo Na bulezi ku—ku Jesu fa Lilundu la Kubenya. Mi Na bulezi ku Jesu fapila nyangela ni ndopu ya batu; fani, sicaba sa bulela kuli nekuna ni mishika, kono neli Mulimu yana bulela ku Jesu. Mi buñata bwa litaba za bo Mateu, Mareka, Luka, ni Joani, ki Jesu ya li bulela. Ki yena Mulimu. Kacwalo, Mulimu wa kona kubulela.

¹⁰⁷ Na ngile minwana ya Hae Tota ni kuñola mwa lishabati, zazi leliñwi. Na bulezi, Na kutalize, Na polofitile, ka milomo ya Hae Tota, Mulimu na ezize, fani ha Na ezizwe nama mi ato yaha ku luna, “Mulimu na bonahezi mwa nama.” Haiba wa kona kuñola, kubulela, ki kuli Ha koni ku bulelela babañwi sa kueza? Luli wa kona. Wa kona kubulela ku bona, mwa linzwi la butu. Wa kona kuñola ni ku ba bonisa sa kueza. U ezize cwalo.

Kacwalo, "Mulimu, mwa linako za kale ni ka linzila zeshutana nabulezi kwa bashemi ka bapolofita." Mi Abulela kuli, ka litaba Zeñozwi ze, kuli, "Hakuna nihaiba taku iliñwi kaba mubamba o ka zuswa kwateri kufitela Li talelezwa," mi kipeto La bonahala; mi Li ka ezahala, kakuli Li bonahalile. Fohe halikoni ku ezahala he, kono Linzwi fela Linosi li ezizwe nama. *Taku italusa "linzwi lelinskyanyi."* *Mubamba* utalusa "swayo yenyinyani." Hakuna nihaiba towati iliñwi, mubulelelo ulimuñwi, sika kaufela, se si ka palelwa mwa Linzwi la Mulimu. Halikoni kupalelwa, kakuli Ki Mulimu, Mulimu na bonahalile mwa mufuta wa nama ya butu. Kakuli, ki Mulimu Yena luli mwa mufuta wo ñozwi, mufuta wa mupolofita, ya bonahezi mwa nama.

Cwale, lani kona libaka Jesu na bulelezi kuli, "Bona be ne babulezi ku mina, mu ba biza kuli 'balimu,' be ne ba bulezi ku mina ka Linzwi la Mulimu," ali, "mi nebali balimu." Bapolofita bani fani hane ba tozizwe ka Moya wa Mulimu, mi batisa ona cwalo fela Linzwi la Mulimu, mi ne ba li balimu. Neli Linzwi la Mulimu lene libulela kufitela ku bona. Mi bakona . . .

¹⁰⁸ Bona ba toloka fela sina Muñi ha ba lumeleza ku toloka. Cwale haiba mubata kufumana sani, yani ki Pitrosi Wabubeli 1:20 ni 21. Ku lukile. Kakuli, se, koo Mulimu . . . "Hakuna mutoloki wa kwa mukunda." Yena wa Itolokelanga isali Yena.

Mulimu ha bulela ni ku Li toloka, yena Kasibili, mi kipeto wa li patulula ku yo kaufela Ya lata, wa lipata ku babañwi. Ha lukeli ku Li patulula ku mutu kaufela konji ku yo Alata. Mi Yena ha . . . Yena, U bonahalize taba ya Hae kakutala mwa Mañolo, kabakaleo taba kaufela ise i zibahalisizwe kale; fela ki kuli Yena uinzi fani inza talima ze ezahala. Mwabona? Batili. Ka kubona fela Mubili ha upangiwa ni kutaha ku Ona, kwa kuba mufuta, Munyaliwa wa Hae hape. Ku lukile.

¹⁰⁹ Balumeli ba Li lumela, sina Abraham yana bizize lika ka ku shutana ku Zona inge kuli ne li siyo.

¹¹⁰ Hape cwalo, Linzwi le, la lemuha likunutu za mwa pilu, Maheberu 4:12. "La lemuha likunutu za mwa pilu."

¹¹¹ Bapolofita ne ba sa utwisisi kamita se ne ba ñola kamba se ne ba bulela, ku si cwalo ne ba si ke ba libulela, haiba neba sa Li utwisisi. Mwabona? Kono Bibele i bulezi kuli, "Ne ba zamaiswa ka Moya o Kenile." Ku zamaiswa! Mi Moya o Kenile ha u mi zamaisa, mwa zamaya. Mutu . . . "Mulimu, mwa linako za kale ni ka linzila ze shutana nabulezi kwa bapolofita bene ba zamaiswa ka Moya o Kenile." Lani kona libaka, masika kaufela, batu bene bali ba moyo neba buza bapolofita ka za linako ni ze ne lukela ku ezahala.

Muñoli wa mupolofita ulukela kuba mwa tamahano ni Muñi wa sika ka tundamo. Mwabona? Ulukela kupila ka tundamo fapila Pata ya Muñi wa sika, fa kuziba seo Buka ikaba sona.

Mwabona? Muñoli wa mupolofita, na banga ni siñoliso ka buitukiso nako kaufela, swalisano ka tundamo ni Muñi, yeneli Mulimu, ili kuli afalule sa Na bulezi kuli a ñole. Mwabona? Ku bonisa mufuta wa bupilo bo bu lukela kuba...bupilo bo bu shutana kuzwa ku bahabo yena.

¹¹² Cwale, ki kabakaleo mupolofita nabeile muhupulo wa hae kamita ku sa na bulela Mulimu; isiñi sa na hupula mutu, seo lusika ne lu nahana, seo keleke ne i nahana, seo mubuso ne u nahana. Seo Mulimu na nahana! Yena na bonahalize fela mihipulo ya Mulimu kwa Linzwi, kakuli linzwi ki muhupulo o bulezwi. Mwa utwa cwale? Linzwi ki muhupulo o bulezwi, kacwalo mupolofita na libeleta mihipulo ya Mulimu. Mi cwale Mulimu ha na patuluzi mihipulo ya Hae ku yena, na i bonahalize mwa Linzwi, “KISONA SA BULELA MULENA” Mwabona, isiñi “Sani kona se ni bulela Na, na mupolofita.” “KISONA SA BULELA MULENA!” Mwabona? Ku lukile.

¹¹³ Ki kabakaleo ne banyefuzi mibuso ni linako za likeleke, ili, kueza cwalo mwa mazazi abona, neli koto ya lifu. Mu ya fa pila mulena ni ku mu bulela kuli, “KISONA SA BULELA MULENA, sa *kuli-ni-kuli* si ka ezahala,” u ka pumiwa toho. Keleke ika ku bulaya ona fa ka kueza cwalo. Kono bapolofita ba nebali lindume. Kiñi? Ne ba zamaiswa ka Moya o Kenile, mwabona, mi, bona, kona libaka lene babezi ni bundume. Mi ne ba ñozi Linzwi la Mulimu lelisa—lelisa palelwí.

¹¹⁴ Ne ku na ni babañata bene ba likile ku likanyisa bapolofita bani, sina baprista, kamba bao kaufela. Mi kiñi sene ba ezize? Ne ba lyangani fela, ku felile. Ne ba sakoni kueza zani.

Kakuli, Mulimu na ketile mutu wa mwa lusika, ni kuketa Liñusa, mi neba sibupeho sa mutu ni sene si ka fitelela mwa lusika Iwani, sa Na ka beya fa halimu, mwa Na ka ezeza, ka sibupeho sa mutu yomuñwi, Na foufaza meto a babañwi. Manzwi ao mutu yani na ka bulela, ka nzila ya na eza ka yona, na ka foufaza babañwi, ni ku kwalula meto a babañwi. Mwabona? Na tinisize muuna mwa mufuta wa mutinelo wa nali ku ona; ona sibupeho, takazo, ni lika zeñwi ka mukwa fela wa na lukela kuba ka ona, neli fela kuketiwa ka swanelo kwa sikuwata sesiñwi sa batu bani ba Na ka biza kwa lusika loluñwi.

Mbo, babañwi ne ba ka yema ni ku mu talima, kuli, “Kihande, Ha ni koni. Kuna ni...Ha—Ha ni boni.” Ne ba bile libofu.

¹¹⁵ Jesu natile ka mukwa oswana, inza tinile, Mulimu ya sa shwi ku apala mwa nama ya butu. Mi kakuli Na pepezwi mwa sicelo, mwa sikungu mo ne kutezi siloko, na si na sibaka fa kusamela toho ya Hae; na pepilwe, ka ku nahana, ni libizo la mwana wa mwa bunyazi li ka katezi ku Yena. Mwabona? Lika ze kaufela za Na li zona, ni ka mwa Natezi, ali mwana mubeti, mwa Na inezi asina sikolo.

Kuswana sina, mwa lifasi, butali bwa lifasi le, na si na sa kueza ka yona. Hakuna ni yekana ya zwelopili ya lifasi le, tuto, kamba sika kaufela, Na si na sika kaufela sa kueza ka zona. Kiñi? Yena ki Mulimu. Ne li ka lyangana. Kambe Na ka lika kuya kwa mukopano wa litaba za bumulimu kokuñwi ni ku yo ituta sesiñwi seo likeleke za lifasi le ne lieza, kucwani he mwa . . . Kiñi, ne lisike za kona mane . . . kiñi, ne lisike za kona mane . . . ne lisike za lumelelana ni hanyinyani ka kutwisiso ya Hae, kakuli Na li Mulimu.

Kacwalo, tuto, sikolo, mikopano ya za bumulimu, ni zeñwi, ki ze shutanela kwahule ni tato ya Mulimu. Mulao kaufela wa tuto wa lwanisana ni Mulimu. Lik a kaufela liluta ka kufapuhu kuzwa ku Mulimu, ka nako kaufela. Ha Ni utwa mutu ya bulela kuli ki yena Dr., Ph.D., L.L.Q., sani si muisa fela kuba kwahule ni Mulimu, ku na. Mwabona? Yena uitutile fela hahulu cwalo kuya kwahule kuzwa ku sa na bichelizwe kuli aeze. Yani ki niti.

Mulemuhe kuli mane cwale bona ne ba zamaiswa ka Moya o Kenile.

¹¹⁶ Cwale, sani ha si talusi kuli batu baba itutile ha ba lukeli kukena ku zona. Mutualime ku Paulusi. Ni sepa kuli ne kusina mutu ya butali kufita Paulusi mwa lizazi la hae, yanali Saule wa kwa Tarasusi. Na lutilwe mwatasa Gamaliele, alimuñwi wa baluti ba batuna za lizazi lani; yomutuna, Muheberu wa mutikitibi, Mufalisi wa likopano. Mi Paulusi na hulisizwe ki yena. Na zibile bulapeli kaufela bwa Sijuda. Kono ha natile kwa keleke, na ize, “Nali kuba ni tahe ku mina ka tuto ya mutu, ni zeñwi cwalo. Kakuli, kambe ne kukaba cwalo, konakuli ne mu ka sepa ku zani. Kono Ni tile ku mina mwa mata ni ponahazo ya Moya o Kenile, kuli tumelo ya mina ibe ku Mulimu.” Ki fohe cwale. Mwabona? Yani ki niti.

¹¹⁷ Babañata ne ba likile ku likanyisa batu ba, kono ba to lyanganisa lika kaufela sina fela mo ba ezeza kacenu. Ne ku na ni alimuñwi ya natile ku si ka taha kale linako za Jesu, ya na zamaisa sikkwata sa batu baba mianda yemine. Mi mwa ziba ka mo Mañolo abalela ka litaba ze, kulika ku lieza nako i sika fita kale. Mi babañwi ba kubona se balika ku Mu likanyisa, mi nebali ka mufuta *wo, wani*, kamba *omuñwi*. Mi ki Hali, “Mwa mazazi a mafelelezo, mo ne kutelanga bo Kreste ba buhata, mwa mazazi a mafelelezo, ni bapolofita ba buhata, mi ba bonise lisupo ni limakazo.” Lu nani zani kaufela. Mwabona? Kono zani halizwi ku za niti. Zona Li bonahalanga fela ka kubunya hande, kakuli luna ni Kreste wa niti, isiñi wa buhata.

¹¹⁸ Cwale, cwale, lu lemuha cwale kuli Mulimu na lumile bapolofita ba Hae. Yani neli nzila ya na Na ni ya kutisa Linzwi la Hae kwa sicaba, ka kufitela mwa milomo ya bapolofita ba Hae.

Mi mulemuhe, mwa ziba, Mushe naize, haiba mubata kuibala mwa Exoda kauhanyo ya 4, ni timana ya 10 ni 12. Mushe abulela

naize kuli Mulimu nabulezi ku yena. Mulimu na bulezi ku mutu, mulomo ka zebe. Mi ki hali, “Hani koni ku bulela kapili,” Mushe abulela. “Na, Na hanikoni. Ha—Hanikoni ku ya.”

¹¹⁹ Yena ali, “Ki mañi ya bupile mutu kuli abulele, kamba ki mañi Ya muezize kuli abe simumu? Ki mañi yana mu bupile kuli abone, kamba Ki mañi yana mu bupile kuli a utwe? Kana ha ki Na nji, na nili Mulena?” Ali, “Ni kaba ni mulomo wa hao.” Mwabona? Kacwalo . . .

¹²⁰ Mi Jeremia ali, haiba mubata kubala sani mwa Jeremia 1:6. Jeremia nabulezi kuli, “Mulimu na beile manzwi mwa mulomo waka.” Mwabona? Na—Na bulezi, mulomo ka zebe, ka mupolofita alimuñwi; ni kubulela ka mupolofita yomuñwi, na sa koni kuitamaisa ni hanyinyani, mi abulela ka milomo ya hae.

¹²¹ Una ni linzila za ku iseza Linzwi la Hae kwande, mwa ziba. Eeni, sha. Kacwalo mwa bona kuli Bibele ki Linzwi la Mulimu, haki linzwi la mutu.

Mushe naize, “Mulimu na bulezi ku na ka Linzwi, mi Ne ni Mu utwile. Ne ni ñozi sa Na bulezi.”

¹²² Jeremia ali, “Ne ni sa koni kubulela ni hanyinyani. Mi, taba yapili mwa ziba, milomo ya ka ne ibulela, mi—mi—mi Ne ni sweli kuñola.” Mulimu nabulezi ka milomo ya hae, mi za to ezahala.

Daniele, Isaya, ni babañwi cwalo, bapolofita bani kaufela nebali fela nto yeswana.

¹²³ Mwa ziba, mwa Testamente ya Kale inosi, kuna ni linako ze fiteleta likiti zepeli fo bapolofita bani hane babulezi kuli KISONA SA BULELA MULENA. Cwale, haiba mutu ubulela kuli KISONA SA BULELA MULENA, ha ki mutu ya bulela. Kambe na ka bulela, nasike aba mupolofita, na ka ba muipi, mwabona, kakuli ne lisike (ni hanyinyani) za taha kuto ezahala; nako iliñwi mwa linako ze mashumi a mianda ye likiti, mwabona, za kona mwendi ku akalezwa. Kono haiba KISONA SA BULELA MULENA, ki Mulena Mulimu ya si bulezi.

Hane Ne ni ka bulela kuli, “Kisona sa bulela Orman Neville”; muzwale wa ka uize, “Kisona se ba bulela Bo Mann”; Ne ni kali, “Kisona sa bulela Muzwale Vayle,” ona kwanu, kamba babañwi ba mizwale yemiñwi ye, yomuñwi kaufela wa mina; Ni bulela se mu bulezi. Haiba Ni na ni niti, Ni ka bulela fela se mu bulezi.

Mi baana ba, kakuba bapolofita, bali, “Ha ki na. Ha ni na sa kueza ka sona, kono kakuli KISONA SA BULELA MULENA.” Kacwalo Bibele KISONA SA BULELA MULENA ka bapolofita.

¹²⁴ Mulemuhe, neba lwezi Moya wa Kreste fahalimwa bona, ni ku lemuha likezahalo za kwapili ze ne ka to ezahala. Mubulele ka kulemuha za kwapili! Ne ba bulezi ze ne ka ezahala mwahala masika cwalo, hane ba inzi, hane ba yema, kulobala, ne ba zamaya ka Moya wa Kreste fahalimwa bona, kuli mane neba pila

sina Kreste. Mi babali ne ba bala ni ku nahana kuli bapolofita neba ipulela ka bona bañi.

Mwa hupula nduna hana sweli kubala Isaya 53:1, kamo mane, kuli, “Na titikezwi bumaswe bwa luna, na holofalelizwe sibi sa luna, koto ye lufumani kozo ka yona i wezi Yena fa halimu, ka miupa ya Hae ne lu folisizwe”? Nduna ali ku Filipi, “Ki mañi yo mupolofita abulela ka yena, ki ka yena muñi kamba ubulela ka usili?” Mwabona, mupolofita nabulezi inge kuli ki yena.

¹²⁵ Mutualime ku Davida hana lilile mwa Moya, “Mulimu wa ka, Mulimu wa ka, U ni tuhelezi ñi? Masapo aka, ba ni talimezi, kutalima na,” Davida. “Ba tabile mahutu aka ni mazoho,” Davida. “Ne ba tabile mahutu aka ni mazoho aka. Kono Wena ha una kutuhela moya wa ka mwa lihele, kamba Wena kutuhelela ya kenile wa Hao kubona kubola,” inge kuli Davida na ipulela yena muñi kuba ya kenile. Neli Mwana Davida, ku mela, kwa Peu yani yene taha ka mukwa wa ku shetumuka kwani. Nihaike inge Davida kasibili nali munjeke wa linawa, kono mwahali neli bubeke bwa Buloto. Mwa utwa kana?

Kacwalo, Bibele kaufela ha ki linzwi la mutu, kamba kuli mwendi ne I ñozwi ki mutu, kutiswa ki mutu, kamba mane niheba kuli I kone kuba—kuba ye patuluzwi ki mutu. Ki Linzwi la Mulimu le lipatuluzwi ki Mulimu Kasibili, Mutoloki Wa Hae tota, Kreste kuipatulula Ilyena mwa Linzwi la Hae Tota.

¹²⁶ Mutualime ku Kreste hana yemi kwa mulaho kwani ku Davida. Davida na sa koni nihaiba ku nahana cwale. Munahano wa hae noile kuzwa ku yena, sina mo ne ku inezi. Mi Na sweli ku nyendaela fa sifapahano, sina mo mu bonela sibupiwa se fa; ku nyendaela fa sifapahano, inza lila, “Mulimu wa ka, Mulimu wa ka, U Ni tuhelezi ñi? Masapo aka Kaufela, ba Ni talimezi. Ba tabile mazoho a Ka ni mahutu a Ka. Ba ni tabile kwa makupo a Ka.” Mwabona? “Kiñi ha Uli kwahule hahulu ni Na? Lipoho kaufela za Bashani li ni potolohile. Ba nyunga litoho za bona, bali, ‘Na sepile ku Mulimu, kuli Uka Mu lamulela; cwale ha lu boneñi haiba U ka Mu lamulela,’” kubulela manzwi a swana.

Kacwalo, mwa bona, fani Mulimu ha na bonahezi fa lifasi fa, Na bulezi manzwi a swana ana bulezi Davida. Mwa utwa kana? Kacwalo, mwa bona, Ha ki linzwi la mutu; Ki Linzwi la Mulimu. Nekuna ni Mulimu ku Davida; yani ne si Davida. Na sa zibi sa na bulela; yena nali fela mwa Moya.

Cwalo kona mwana bezi Mushe. Na li cwalo mwa Moya, kuzwa mwa kalulo ya na pila ku yona, ni kuyema fani pata ni pata, mwa sicacani se situka sani, kubulela ku—ku—ku Mulimu yena Kasibili. Ali, “Tubula likatulo za hao. Sibaka so yemi ku sona ki mubu o kenile.”

Na nahana fani Mushe hana zwile kwani, na hupuzi kuli, “Kiñi sene siezahalile? Ki sikamañi sene siezahalile? Neli sikamañi sani?”

Naize, “Zamaya kwa Egepita. Ni ka ya ni wena.”

Mi ali, “Ki niti luli kuna, Ni lukela kuya.” Ki ha shimba musala hae ni bana ba hae... ni—ni mwana hae, nitaluse, ni mulamu wa hae mwa lizoho, mi ba nanuha kuliba kwa Egepita, ku yo lamulela sicaba. Mwabona?

¹²⁷ Mulimu kubulela, Kasibili, ka bapolofita. Mwabona, bona, nebali kaniti... Ha ki bapolofita; neli Mulimu. Kakuli, mupolofita, ka bona bañi, ne ba si ke ba bulela lika zani.

“Ki mañi ya lumezi pihohya luna?” Isaya wa bulela, mwa bona. “Ki mañi ya lumezi pihohya luna? Lizoho la Mulena li bonahalezi ku mañi? Uka hula fapila luna sina namani ye mwa—ye mwa sakana. Kuli zani, mane, Na titikilwe ka bumaswe bwa luna, na holofalile ka sibi sa luna, koto ye lufumani kozo ka yona ne i wezi Yena fa halimu; ka miupa ya Hae ne lufolisizwe.” Ne lu folisizwe, kwani mwa lusika lo kwanu; mi Isaya, kwa mulaho kwani lilimo ze mianda ye ketalizoho ka yemilalu ku sikaba kale Kreste. Mwabona? “Ka miupa ya Hae kale kale,” pulelo ya tensi yefelile, kale, “nelu folisizwe.” Oh, mawi!

Kamo, Linzwi la Mulimu, libile ka kupetahala luli! Musepe ku Lona, sicaba. Kona fela nto inosi ye kona ku mi pilisa.

¹²⁸ Manzwi amañwi kaufela, Hanina taba ka mwa tomahanyelizwe hande, kamba, ki ku mañi ko azwelela, ki kopano ifi ko a zwelela, kamba mutu wateni ki ya butali cwani, li lukela ku tokolomoha, sika kaufela sesi shutana kwa Linzwi. Mu bata kuñola Liñolo lani, ki Magalata 1:8. Mwabona? Paulusi naize, “Ni ha ikaba luna, kamba Lingeloi lelizwa kwa Lihalimu, ku to kutaza sika sisili kufita Se se mu utwile kale, yo abe ya kutilwe.”

Ka manzwi amañwi, haiba Lingeloi lika taha ku mina kuzwa kwa Lihalimu, Lingeloi le libenya, mi liyeme; mushimani, sani si kona kuba siteo mwa lizazi le, nji cwani? Lingeloi le libenya lishetumuke fani mi liyeme, ni kubulela lika ze lwanisana ni Linzwi; mubulele kuli, “Satani, zwaa ku na.” Kulukile. Haiba ki bishopu, haiba ki... seo ali sona kaufela, musike mwa mu lumela haiba nji ha buleli hande kuswana ni Bibele, Linzwi ka Linzwi. Mu mutokomele, uka mi lwala ka Bibele cwale. Uka mi isa kwa sibaka sesiñwi, mi ni ku libeya ona fani. Ha mu bona Bibebe ibulela taba yeñwi, mi yena ufitelela zani, mu mutokomele ona fani.

Mwabona, cwalo kona mwana ezelize Eva. Na tile ona cwalo ni kubulela lika kaufela ona cwalo. “Ki hande, Mulimu nabulezi *cwana*.”

“Yani ki niti, Eva. Amen. Lwa lumela sani, hamoho.”

“Ki hande, Mulimu naize *cwana*.”

“Amen. Lwa lumela sani, hamoho.”

“Mulimu naize *cwana*.”

“Lwa lumela cwalo, luli.”

“Kihande, kono Mulimu naize lu ka shwa.”

¹²⁹ “Kihande, cwale, wa ziba kuli Ki Mulimu yomunde.” Na sika bulela kuli Hana kueza sani, wa ziba. “Kono luli . . .” Oh, na! Ki yani fani.

Mi haiba na li wa buhata cwalo, mi Bibele ibulezi kuli, “Mwa mazazi a maungulo uka puma ni bona ba Baketilwe kambe ki nto yekonahala,” luna lulukela kuba kai kacenu, balikani? Cwale, lituto nyana za sikolo sa la Sunda ze, lilukela kukena mwa lipilu zaluna luli, mwa ziba, kwa lipilu zaluna, kuli lubone . . . Lu lukela kuteeleza ka tokomelo ni kubona bupumi bwa taba yateni.

¹³⁰ Mulemuhe, halukoni, halu swaneli, ku teezeza kwa linzwi la mutu kaufela. Haluna taba kamba ki ya butali cwani, ki ya itutile cwani. Bibele, mwa Liproverbia, ili, “Lu lukela kuhanyeza ku kakanya.” Mwabona? Cwale, mo mwa kalulo ya bubeli . . .

Kalulo yapili ki maikuto amina a kubona, kulwaza, kuswala, ku nunkelela, ni kuutwa. Zani lifumaneha mwa mubili wa mina wa kwa nde.

Mwa mubili wa mwahali, oli moyo, ki kunahana ni muhupulo, ni zeñwi cwalo. Lu lukela kuhanza zani kaufela. Kakuli munahano haukonni kubulela, kuli, “Cwale mulibelele, haiba Mulimu ki Mulimu yomunde . . .” Mi lu buleleliwa zeñata hahulu kacenu kuli Yena u cwalo. “Haiba Yena ki Mulimu yomunde, mi haiba Ni ba ya sephahaha, Ni ha ni sa boni sani mwa Bibele kuba se si lukile, ni ha Ni kaba ya sephahaha, Ni ka piliswa.” Mu ka latela. [Hakuna manzwi fa tepu—Mu.]

¹³¹ “Haiba Ni ya kwa keleke mi ni eze fela lika ze Ni lumela kuli li lukile, ni kulika ku kumalela ku se Ni nahana kuli si lukile, ki hande, Ni . . .” Mu sa latehile.

“Kuna ni nzila ye bonahala kuluka ku mutu, kono mafelelezo a yona ki nzila ya lifu.” Mwabona? Ha mu na ku piliswa; mu ka lateha. Mwabona? Mwabona? I lukela kuba Mutu wa mwahali yani kuli a zamaise.

¹³² “Kulukile, Ni bulezi ka malimi, Muzwale Branham. Kihande, kana ha ulumeli mwa kubulela ka malimi, Muzwale Branham?” Luli. “Kihande, Ni huwile; kana ha ulumeli ku ze cwalo?” Eeni, sha. “Ni pila bupilo bwa Sikreste. Kana ha ulumeli ku zani?” Eeni, sha. Kono niteni sani hasi talusi kuli u pilisizwe. U mutu yomunde; ya sina masila, wa butu, ya kenile, mutu yomunde.

Kona mo ne babezi baprista bani, ba bulapeli kuisa kwa mibisi, ba bulapeli luli kufitela yomuñwi ha palelwa ku utwisisa, ne ba pobaulwa macwe. Koto ya ku bapaliswa Linzwi la Mulimu neli lifu.

¹³³ Bwani kona butata bobuna ni na ha ya luna kacenu. Libaka le lubezi ni lika zeñata hahulu ze lepelela sina matali kacenu, linepo ha ki zetiile hahulu. Haiba mutu naswelwi inza zamaya ni musala yomuñwi, neba lukela kungiwa sibeli sabona mwa patelo ni ku ba faula, ona fani, patalaza, ni ku ba tamulula. Yani ki niti. Haiba mutu uswalwa aeza bumaswe, mwa mukwakwa, inza matisa hahulu, halukeli kufiwa lilimo ze mwatasa lishumi; una ni ku... ki bubulai bwa ku ikupulela. Mwabona? Mu beya milao yeswana sina yani fateni, mu ka ba kutiseza mwatasi.

Kono cwale yomuñwi waba lipolitiki wa kona kufita ku *ye* ni ku icanganisa, ni kubulela kuli, “Kulukile, na kozwi hanyinyani, na sweli...na sa talusi kueza sani.” Mi na ka bulaya mutu, musali hae, ni sikwata kaufela sa bana ba basina mulatu, mutuhelie kuli mu Ricky a zamaye ka zona, zani ki lipolitiki. Lani ki lifasi. Yani ki diabolosi.

¹³⁴ Mulimu naize kuli haiba muuna uswelwi mwa boozwa, kamba musali, mu baise kwande mi mu ba pobaula macwe kuisa lifu. Ani neli mafelelezo. Mwabona? Mane haiba uswelwi inge ayakwanelo bwandilala, ka lizazi la sabata, “Mu munge mi mu mu pobaule ka macwe.” Ne ba pila ka zona nako yani. Mi cwale, mwabona, haluna milao ya mufuta wani kacenu.

Kono Mukreste, keleke, yeo Ni bulela ku yona kakusasana cwana, mulao wa Mulimu wani uinzi mwa pilu ya mina. Mwabona? Hamuna takazo ya kueza sani. Uinzi mwahali mo. Mu lukela kubuluka mulao wa Mulimu ka kupetahala. Hakuna taba kamba ki sikamañi, mu bata kuba baba lukile ka...Haiba—haiba Mulimu utokwa sitauliso sa kwa mautu fa munyako, Ubata kuli wena u be sitauliso sani, u ka tabela hahulu kuba sani. Hakuna taba ka seo sikona kuba sona, utabela kuba sitauliso sa kwa mautu fa munyako. Mwabona? Seo kaufela Mulimu a bata kuli u eze, sani kona so tabela kueza, kakuli ki Mulimu. Cwale, kwani kona ko mu fumana lilato la niti, luli, la Mulimu.

¹³⁵ Cwale lu fumana cwana, kuli, “Lingeloi ha ne lika kutaza sika sisili fela,” kwanda se si bulezwi, se si bulezwi kale mwa Bibele, “libe le li kutilwe.” Hakuna ya kona. Hakuna ya kona kueza cwalo; I lukela kuba fela ona cwalo mo I bulelezi.

¹³⁶ Mi hape lwa bala, mwa Sinulo 22:18 ni 19, “Haiba mutu kaufela uka ekeza linzwi lililiñwi ku Lona, kamba kuzusa Linzwi leliñwi ku Yona, Mulimu u ka zusa siemba sa hae mwa Buka ya Bupilo.” Luli. Mulimu u ka zusa siemba sa hae, ni ha kaba mukutazi, seo kaufela akona kuba sona, ni linzwi la hae... libizo la hae liñozwi mwa Buka ya Bupilo. Mulimu naize, “Ni ka li zusa mwateri fela,” yani ki niti, “haiba uka ekeza nto iliñwi ku Lona, kamba ku zusa Linzwi lililiñwi ku Yona.” Cwalo kona mo Mulimu aezelize Linzwi la Hae kuba lelisa palelwi. Mwabona? Mwakona ku ekeza kwa keleke, kamba ku zusa mwa keleke.

Musike mwa ekeza kwa Linzwi lani, kamba ku zusa ku Lona, kakuli Mulimu uka zusa libizo la hao mwa Buka ya Bupilo. Mi, sani ki kuli, mu felile cwale. Mwabona? Hamukoni ku ekeza ku Lona, kamba ku zusa ku Lona. Sani kona fela ona cwalo . . .

¹³⁷ Ha litokwi mutoloki, kakuli Bibele ibulela kuli Mulimu wa Itolokelanga Bibele Iliyena. “Lona ha litokwi kutolokelwa kwa mukunda,” nabulezi Pitrosi. Ku lukile.

¹³⁸ Mi Liñolo kamukana lifilwe ka Bumulimu, litomilwe ka Bumulimu mwa swanelo, mi taba kaufela ki sinulo ya Jesu Kreste. Testamente ye Nca ni ya Kale, fo ne ba bulezi ka Yena kuli uka taha, sa Na ka eza ha Na tiloba fa, mi ni sa Na ka eza mwa lusika lone lutaha lo. Kacwalo sani si Mu panga kuba ya swana maabani, kacenu, ni kuyakuile. Mwabona?

Sina mwa Maheberu mwani, fani Paulusi hana i ñozi. Yena ki Mulimu, “Jesu Kreste maabani,” wa Testamente ya Kale. Ki yena “Jesu Kreste kacenu,” ya iponahalize mwa nama. “Mi ki Yena Jesu Kreste kuyakuile,” mwa Moya, “ya taha.” Mwabona? Mwabona? “Ya swana maabani, kacenu, ni kuyakuile.”

Mi Yena wa pila kamita ili kueza kuli Linzwi la Hae lipile ka sene Li bulezi kuli Li ka eza ka lusika lwani. Yena wa pila.

¹³⁹ Nali yapila mwa Testamente ya Kale, na iponahalize. Ni bata fela kuli mubone sesiñwi fa, haiba mwakona ku yema. Mutokomele, fani Jesu hana bonahalile mwa Testamente ya Kale, sina ha lu i lumela.

Cwale, mina bakutazi kwande kafo, mwakona ku kanana ni lona, mueze kaufela ze mubata kueza, kono Ni bulela ku baka . . . se Ni nahana. Mwabona?

¹⁴⁰ Ka nako yeo Jesu hana bonahalile mwa Testamente ya Kale, mwa mubili wa bungeloi, ku mutu yabizwa Melekisedeke; isiñi buprisita, kono neli Mutu, ali Muuna. Mwabona? Kakuli, Muuna yo na si ka pepwa kale, kono Nali mwa bungeloi, kacwalo Na sina ndate, na sina mahe. Nali Mulimu Kasibili. Na bonahalile mwa mufuta wa Muuna, yabizwa, “Mulena wa Salema, yeli Mulena wa Kozo, ni Mulena wa Kuluka.” Mwabona? Na li Melekisedeke. “Na sina nihaiba ndate kamba mahe, makalelo a mazazi kamba mafelelezo a bupilo.” Mwabona? Ne li Jesu mwa bungeloi, mwa mufuta wa Muuna. Kana mwa utwisisa seo? Ku lukile.

¹⁴¹ Mi ki Ha eziwa mwa nama ya butu, mi ato pila mwahala luna, ku Mutu wa Jesu Kreste Kasibili, yana pepilwe ku Maria mwalyanjo. Utile mwa mufuta wani kuli Ato shwa, mi akutela kwa Lihalimu.

Cwale mwa mazazi a mafelelezo a, U sepisize ku iponahaza Iliyena mwa mutalelela hape, wa nama ya Hae, mwa Moya. Mwabona? “Kakuli sina mo ne ku bezi mwa mazazi a Sodoma, kona mo ku kabela ni fa Kutaha kwa Mwana mutu.” Cwale mutualime kwa Sodoma, mo ne ku inezi, ni se ne siezahalile.

Mi Jesu Kreste ka ku bonahala mwa mufuta wa mubili, wa Keleke ya Hae kacenu, mwabona, ka kueza lika ze swana, musebezi oswana, lika ze swana za Na ezize ka linako kaufela, ha li cincangi, yena Wa Kuyakuile. Mwabona? Mi ni mwa lifasi kacenu, U iponahalize Iliyena mwa mibili ya butu, yona mibili ya luna Ya bizize, ni kueza ona cwalo lika zeswana za Na ezize mwa linako za kale, mi ni mwa linako za mubili wa Hae mwa lifasi. Mi ka kueza lika zeswana kacenu, kakuli, "Mulimu mwa linako za kale nabulezi kwa bashemi ka bapolofita, mwa mazazi a maungulo a ki ka Mwana Hae, Jesu Kreste." Mwabona, Mwana inza patululwa mwa mazazi a maungulo, Mulimu na bonahalile mwa nama ya butu, na inzi fela fapila sinyeho ya Sodoma, mafelelezo a lifasi la Bamacaba. Mwa bona kana?

Kuna ni ku bonahala ko kulalu.

¹⁴² Cwale, taba ya buleli ye ezhala, ki fo cwale ha li kopana kaufela ku Mutu alimuñi yani, Jesu Kreste, Munyaliwa ni Mubili, ka kukuta kwa butu kwa Mulena Jesu. Kueza linako za Hae zetalu... Fani ha Na tisizwe mwa lifasi; ku bulaiwa, kutakiswa, ku zusiwa. Kuiponahaza Iliyena mwa mufuta wa Mubili wa Hae, yeli Munyaliwa wa Hae, yena Musali. Mwa utwa kana? Yena ki siemba sa Mubili wa Hae.

Mi musali ni muuna ki baba inzi fela bukaufi hamoho, kufitela baba fela sina... Bona ki nto yeswana. Ba lukela kuba cwalo, nihakulicwalo. Ki bani fani, mwabona, bona ne ba bonahalisize fela ze swana. Musali ki siemba sa hae, kakuli na zusizwe ku yena.

Mi Munyaliwa kacenu i zusizwe mwa mubili wa Kreste, ye sweli fela kueza ona cwalo ka kuswana sina ha Na bulezi kuli I ka eza mwa lizazi le, Munyaliwa, Mulena wa musali; Mulena ni Mulena wa musali. Ku lukile.

Lu se lu lieha cwale, kacwalo lu kwalokise kuli lufeze.

¹⁴³ Ku lukile, Bibele mutumbi ki sinulo ya Jesu Kreste ka kutala, ya nza ikeza Iliyena ku zibahala mwa lusika kaufela. Na ikezize Iliyena kuba ya zibahala mwa mazazi a Luther, kakuba mutomo; keleke, liutu, mautu.

Sina mwa Na ezelize Mulena Nebukadinezare; mwa hupula mwa na lolezi litolo zani, ni kuzwa kwa toho a shetumuka? Mwabona? Cwale U zwelela kwa mautu wa kambama. Mwabona? Mwa mibuso wa Babilona Na bonisize zani kaufela za Testamente ya Kale, Ataha kuzwa kwa toho wa shetumuka, kufitela Ha natilo shetumuka mane kufitela Mulimu Kasibili hana tiloba nama fa lisina la kota. Cwale mo mwa Testamente ye Nca, Wa itahisa Iliyena sinca hape, kuisa kwa Toho hape, Toho ya gauda, kuli aapale mushukwe. Mwabona? Mutualime. Mwa utwa nji?

Mwabona, Mulimu nali kwa simuluho, mi Na zwezipili kutaha ka ku shetumuka, ka bapolofita, ni kutuluka cwalo,

kufitela Mulimu Kasibili atoba butu sina luna, ku to swala ni kwa lisina la kota, Mbututu ku to pepelwa mwa sicelo; atoiwa, ahaniwa, akendiwa, ni ka libizo lelimaswe, ni lika kaufela za Na li zona. Mi ki Ha kala kuhula, mwabona, mi kuzwa kwa mautu Akala ku yaha Keleke, Munyaliwa, inza kuta, ona cwalo; mi cwale i taha mwa licwe la Toho, ko li kopanela hamoho ni kupanga Mubili ulimuñwi o cincizwe wa Jesu Kreste.

¹⁴⁴ Mulimu mwa lusika kamukana ka Linzwi la Hae le lisepisizwe kwa lusika lwani. Cwale halu talimeñi fela zeñwi za lisepiso za Hae za kacenu, cwale halunze ku kwala cwale mwa manzwi a mafelelezo a.

¹⁴⁵ Cwale Mulimu usweli kuipatulula Iliyena mwa Liseli la nako ya manzibwana. Halu boneñi cwale. Lwa bona . . .

¹⁴⁶ Ni na ni fela sishañata sa Mañolo añozwi fa. Sina ha mu bona fa pampili ye, ki Mañolo amakai añozwi fateni. Kono, luna ni fela mizuzu ye lishumi ka ye ketalizoho kuli ibe twelufu. Ni bata ku ya. Mi ha Ni sika sileha kale linzwi, kakusasana cwana, kubulela. Fokuñwi zefukisa moyo ze za ni tibenisanga linzwi.

Kacwalo haiba Muzwale Neville ha yo . . . Ki kuli hauna sika sa busihu bo nji? [Muzwale Neville uli, “Batili.”—Mu.] Kihande, ki hande, Nika . . . Haiba ku lukile, Ni na ni sesiñwi. Ne ni fumani kakwakwati ka kwai, zazi leliñwi, ke ne ka inzi mwa mushitu; mi Ni na ni Liñusa kuzwa fa kakwakwati ka kwai kani, la busihu bwa kacenu, haiba Mulena alata. Mwabona?

Kacwalo, Ni na ni Mañolo fa. Mi ha Ni lati sinya nako, kuli mukone ku kuta.

¹⁴⁷ Kakwakwati ka kwai, kubulela. Ku lukile. Ne ni fitile mwa mushitu, mi fani ne kuli kakwakwati ka kwai, mi se Ni zamaya fela kuikela. Na hupula, “Kihande, yomuñwi uinzi kwa pata kuna.”

Mi Sesiñwi sali, “Sikuluha mi u ka nope.”

Na hupula, “Ni nope kakwakwati ka kwai? Isiñ na.”

Sesiñwi sali, “Sikuluha mi unope kakwakwati ka kwai kani.”

Mi se Ni i nama, ne li kakwakwati ka mukungulu, mi se Ni bona sesiñwi. Ni ka mi bulelala ka zona, busihu bwa kacenu, haiba Mulena alata. Ku lukile.

¹⁴⁸ Cwale luka ambola ka za Liseli la manzibwana, mwa mizuzu fela ye likani. Bibele ya bulela kuli ku ka taha nako, bukaufi fela ni nako ya ku kwala, kuli lizazi lika taha, mi ku kaba ni Liseli la manzibwana. Luna kaufela lwa ziba zani. Nji cwani? Luna, luna ni . . . Luna baba ziba hande Liñusa la luna kacenu kuzwa ku Mulena Jesu, lwa lumela kuli kukaba Liseli la manzibwana. Mi Liseli la manzibwana le . . .

Ka niti, Liseli lelituna li ka taha fo Jesu Yena luli ha ka bonahala fa lifasi fa, kamba mwa mbyumbyulu mwa Lihalimu, kutonga Munyaliwa wa Hae, mi kipeto puso ya Mileniamu ika kala.

¹⁴⁹ Kono luna ni iliñwi ya linako ze sabisa hahulu ze lu lukela kufita kuzona, ze kile za ba fapila libupiwa za batu. Mi Ni libelezi fela hola ya teni, mi ha lu ka fita...mutu kaufela wa kona kuba ni nako ha mu zwile kwa musebezi ni kuina mazazi alikani, mi lwa kona kufita fokuñwi fo Ni ka bulela fa Likoto zani ni lika ze ka taha mwa mazazi a maungulo; ni kutanda mwendi lisunda zepeli kamba zetalu hamoho, ni kutisa zani hamoho, haiba Mulena ani lumeleza kupila kuli ni eze cwalo mi ani susumeza kueza cwalo, lubone lika zani mo li ka swalanela hamoho, ni Mishika yani. Mi mu ka fumana seo muuna yani ni batu bani babile ba lolanga ka zona, ni lika ze kaufela mwani, lika to ezahala; mwabona, mu ka lemuha ze ne lipatuluzi, Mushika tuna wani oka zwa mwa—kuzwa mwa mbyumbyulu. Cwale, ka niti, sirkwata sa mina kamukana, mwa ziba kuli Na ziba seo sani si—si talusa, mwa bona. Mi, kono ha lu liteleni kufitela nako i taha, mwa bona, kuli li ezahale, mwabona, cwale, mi ikaba ka nako ya teni.

¹⁵⁰ Cwale, kacwalo luka bala amañwi a Mañolo a—a ona fa. Cwale, mwa Liseli la manzibwana le litaha, cwale, lu lemuha kuli i lukela kuba Liseli leliswana lene liliteni kakusasana.

Kakuli, hakuna nihaiba lizazi lililiñwi mwa kakusasana ni lizazi leliñwi mwa musihali. Ki lizazi leliswana. Lizazi leliswana lelili mwa musihali kona la kakusasana; leliswana la kakusasana la swana ni la musihali.

Cwale, Ne iize, “Lona lizazi kasibili,” zazi mwahala nako yani, “ikaba mufuta sina, oh, sina lizazi, le li sabisa lelinsu. Halina kubizwa musihali kamba busihu, ki mwahala zani.”

¹⁵¹ Mwabona, kwani ki ku pangwa kwa Mubili, kuzwa kwa mahutu, unze uhula. Fani ha Na li fa lifasi, Na li Mwana, ona Kubanya, mi ki Ha bulaiwa. Keleke nei ngile sibaka sa Yona, mi lipulao ni kukena mwa Linako za Lififi, ni kukala ku yaha fa mutomo ono nzohula. Mi cwale sifateho sizwa kai? Fa halimu a toho.

Mubone pono yani; Nebukadinezare? Ku Mu bona hanza ya, kuzwa kwa simuluho ya lusika lwa Bamacaba Mali asika suluhela kale kubona ni kupanga swalelo. Ne ku na ni bhapelezi ba tumelo bene batisizwe mwateri. Kono mulemuhe kuli ne li keni mwahali, ka kushetumuka, kuisa mane ni kwatasi, mwa mubonahalelo, mwabona, ku lishetumuna.

Mi ki ha likala hape, kukuta, Keleke neikalezi kwa mahutu, inze ihula. Cwale se ili mwa nako ya toho—toho. Cwale mulemuhe Liseli.

¹⁵² Hamukoni kubona ka mazoho amina, ibo ki siemba sa mubili. Hamukoni kubona ka lizebe, ibo za kona kuutwa. Hamukoni kubona ka ngo, ibo ya nunkelela. Hamukoni—hamukoni kubona ka milomo, nihaike ya bulela; mwabona, lwani neli lusika lwa Pentekota. Kono cwale seli mwa nako ya liito, ili kubona. Mwabona? Cwale, hakuna nihaiba mata amañwi ali kwa buse bwa liito. Ki niti yeo?

Ze tatama ki butali, yeli Kreste Iliyena, Yena ya zamaisa Mubili kaufela.

Hakuna kushenya, kushenya kwa buse bwa sani. Mwabona? Liki zeñwi kaufela li shenyize. Mwabona? Mushenyise mautu amina, mushenyise kutiya kwa mina mwa mautu, kushenyissa lika kaufela. Mu shenyisa... Mazebe amina akona kushenya, ngo yamina, milomo yamina, ni zeñwi cwalo. Kono kwanda meto amina, hakuna sesiñwi sesikona kushenya.

Kona libaka ha ba bulela kuli baana babanga ni sitenda kapili, libaka kikuli, mwabona, hakuna mupateho wo nyanganyisa mata amwa—amwa milili, litalo la toho. Mwabona? Mi hakuna lisila kuli mali apahamange kwani. Mali hana kukasheha mwani, mwabona, hana ku pahama ni kupompa mali. Kakuli, ona—ona mubisi wa mulili upila ka mali.

Mi cwale lufumana kuli siemba sani, mwa bona, hakuna sesili kwa buse bwa liito.

¹⁵³ Cwale halu batisiseni. “Kukaba Liseli” (ki mwahala musihali nji?) “mwa nako manzibwana!” Liseli lilumelwanga sikamañi? Kuli mu bone fo muinzi...mo mu zamaela mwa sibaka. Kana ki niti yani nji? Kubona fo mu inzi. “Ku kaba Liseli ka nako ya manzibwana.”

¹⁵⁴ Cwale, lungeni yani mi lui bapise ni Malaki 4. Na sepisize kuli ne kukaba Liseli hape mwa nako ya manzibwana, mwabona, “Kakuli, amubone, Ni ka mi lumela Elia mupolofita, mi uka kutisa ba—ba bana ku bo ndata bona, mi bo ndate kwa bana,” (ki niti yeo nji?) “kuli Ni si ke na to nata lifasi ka sikuto.”

¹⁵⁵ Cwale halungeni Joani kamba... Muñoli Luka 17:30, mi mutualime seo Jesu na polofitile mwani, kubulela kuli, “Sina mo ne kuinezi mwa mazazi a Sodoma, ku kaba nto yeswana...”

Cwale muhupule, mulemuhe, se si kwa nako yeo Mwana mutu uka patululwa; kupatululwa kwa Mwana mutu. Cwale, Mwana mutu he na patuluzwi patalaza, ka mizuzu fela yelikani kwani, ona fani fela Sodoma i sika cisiwa kale. Cwale, Muuna yani neli Elohim. Yani neli Mulimu; mi Jesu ki Mulimu. Mi Mulimu na patuluzwi patalaza ona kwani mwa linako ze likani, kuli aambole ni Abrahama, mwa katulo ya ku batisia. Ka bunyinyani fela, Mwana mutu na patuluzwi; yena Mwana mutu, Elohim. Ki kuli mwabona nji, keleke? [Puteho ili, “Amen.”—Mu.] Mwana mutu, Elohim, na patuluzwi ka mizuzu ye likani. Kakuli,

habusa lene litatama ne kutukile mulilo, (lili?) lizazi lisika pazula kale hape.

Kacwalo haku koni kuba kopano yeñwi ke ka siyala, kamba nihaiba kuba zwelopili yeñwi kufita ze ezahala ona fa, kakuli ika tuka mulilo lizazi lisika pazula kale hape. Ancafalo i felile, mwahala na ha. Hakusana kuba ancafalo ni hanyinyani, li ancafazo ze sabisa zetuna; na ha ye ha ina kuli amuhela. Mwa kona kuba ni kopano ya minahano ya butu. Kono, Ni talusa, ancafazo ya Moya, lu liboni kaufela zona. Na sepa mwa utwisisa. Ni bulela ka nzila yakuli—yakuli Ni sepa kuli mwa utwa. Mwabona? ku felile.

Mukutazi yomunde naize, nako nyana yefitile, kuli, “Muzwale Branham, kambe Ne ni kaba fela ni tabo ya Mulena mwa pilu yaka!”

Se nili, “Mwana, ancafazo i felile.” Mwabona?

¹⁵⁶ Cwale ze swala sisepe libeilwe mwa sisepe. Mandinda amatuna asabisa aluyemezi kwa pata aluna; kono lwa ziba, kwa buse fela bwa lindinda lani, lu fa kaufi ni likamba. Mwabona? Lu fa kaufi ni likamba. Muine fela ka kuiketa. Muine fela mwa Linzwi. Mupile ni Mulimu. Hakuna taba kamba muikutwa cwani, kamba sika kaufela; mupile fela ni Linzwi. Mutuhele—mutuhele kuli liine ka kuiketa, ha mu ka bona malu a kaufela amatuna akale a lu beile mwahali, ni mañungwa ataha, ni mabomba a atomic, ni lika zeñwi kaufela ze ba bulela ka zona. Kono buiketo bwa luna buinzi mwahala Linzwi. Mulimu nabulezi kuli likaba fa; lukafita fa halimwa zona. Eehe, luka ya fahalimwa zona. Eeni, luli! Zona, halikoni ku lu tibisa. Halikoni ku lu nwelisa. Mu lu beye mwa libita; lu ka zuha hape. Zani kona fela zeliteni ku zona. Hakuna nzila yeñwi mwa lifasi ya ku litibisa mwatasi mwani. Luka fitelela kaufela zona, kakuli Kapitao wa luna Yomutuna wa biza kwa likamba leliñwi.

Lu kumalezi ku Jesu, kutahe mañungwa a
bupilo Ni ka sila;
Ni kumalezi ku Jesu, ha Ni sabi moyo kamba
mañungwa;

¹⁵⁷ Seo kaufela sikona kuba sona, ha si tahe. Seo kaufela, sesi taha, hasipangi shutano ni yekana. Lu kumalezi hande ku Jesu. Haiba Ni pila, Ni ka pila kwa kanya ya Mulimu. Haiba Ni shwa, konakuli Ni ka shwela kwa kanya ya Mulimu. Ni—Ni—Ni bata fela kuli fela . . . Ki kwa kanya ya Mulimu, kona se Ni bata kueza. Cwale zani ha se lifelile, ha Ni lati kuina ni hanyinyani. Ni bata kuya ko ni ka . . . kwa mupuzo wa ka wa Na ni lekezi; isiñi se Ni ipumanezi, kono sa Na ni lekezi, sa Na file ku na ka muhau wa Hae.

¹⁵⁸ Kacwalo lubona kuli Liseli la manzibwana liteni fa. Mi kutokwahala sikamañi fa kuba ni Liseli, haiba hamuna meto ni amakana kubona mwa kubela mwahala Lona? Liseli la

manzibwana ki sikamañi? Liseli litelanga, ku to patulula sika. Kana ki niti yeo nji? Haiba kuna ni sesiñwi *mo*, muikutwa kuli hamukoni ku utwisisa seo sili sona, mwa lififi, konakuli mu tukise liseli. Ki ku patulula! Malaki 4 ki sikamañi se i lukela kueza? Mwabona? Kueza lika zeszvana. Kukwalula kwa Maswayo Asupa neku lukela kueza sikamañi, kwani koo likopano ze kaufela neli sweli ku tantalika ku se...?...Ki ku patulula, kutisa fa ngandaleza. Haiba hamuna meto ni hanyinyani, cwale butokwa bwa ku patulula ki bufi? Ku lukela kuba meto, pili, ku bona. Kana ki niti yeo? Ku patulula Malaki 4, ku patulula Muhalalehi Luka 17:30, Muhalalehi Joani 14:12, hape Joani 15:24, 16:13. Mi ni ku patulula hape Sinulo 10:1 kuisa 7, ona kukwalula kwa Maswayo Asupa, ni Liñusa la lingeloi la bu supa; ku to kwalula, ku to patulula, mi Liseli la manzibwana ha se litile. Cwale haiba mutu... .

¹⁵⁹ Mwa Lusika lwa Laodesia, sicaba nesili (cwani?) “mapunu.” Kana sicwalo? “Libofu.” Kana ki bunde mañi bo Liseli lina ni ku mutu wa sibofu? Haiba sibofu si etelela sibofu, ki kuli habana kuwela mwa musima kaufela bona? “Mapunu, libofu, mi ha ba zibi.” Mane nihaiba ku nahana kwa ngana ya bona ku latehile, ku nahana kwa bona kwa ngana ya moyo, kutwisiso ya moyo. Mwabona?

“Baitumbaeti, ba zibo ye pahami, baba lata minyaka hahulu kufita ku lata Mulimu; balobi ba tumelelano ya kozo, baba tameleza litaba, baba sina buiswalo, ni bahanyezi ba lika zende; baba na ni mufuta wa bumulimu, kono ba latula Mata ateni.” Mata a sinulo; mane ha ba alumeli. Mwabona? Ha ba lumeli mwa lika za kuli bapolofita. Mi kacwalo haba lumeli ku zona. Ba lumela kuli—kuli Malaki 4 i lukela kuba keleke yeñwi kamba kopano yeñwi.

Hanatile ka nako yapili, nali mutu. Hanatile nako ya bubeli, ka liemba zepeli, nali mutu. Fani hanatile mwa mufuta wa Joani Mukolobezi, nali mutu. Mwabona?

Mwa mazazi a maungulo, foo Liseli la manzibwana hali ka kala kubenya, meto aka tutubuluha mi mu ka bona ko moyu. Konakuli Mubili ukabe upangilwe kale, unzo yemi ka mautu a ona, ni ku zamaya, kushenya ka Moya o Kenile. Sikamañi? Yena ya swana ya Na zamaile fa bapolofita bene bañozi Bibebe, ona Moya o Kenile oswana o zamaya mwahala Mubili otalizwe ka Moya o Kenile, ku zamaya mwa Moya o Kenile, kuzwa mwa kopano yeñwi kaufela, mushobo kaufela, lulimi, ni batu.

¹⁶⁰ Kalibe yomunyinyani kwanu, ha ki wa kopano ye, kamba kopano ye...kuba wa puteho ye. Uzwa kokuñwi fela, mi natile kakusasana cwana, akopa siswaniso kwani. Na sweli...ni sifile mwana ka, ya na komokile hahulu. Hanizibi kamba akile autwa ka Se kamba nee. Hani zibi. Na nani siswaniso sa Lingeloi la Mulena le lene lili fa Linako za Likeleke Zesupa, Maswayo Asupa

akwaluhile, kwande kwani, hane atilo kwaluha. Ali, atalima mwahali mwani, mi ki ha bona kuli na yemi mwa mbyumbiyulu, mwa tolo. Mi ki ha talima kwa mulaho kwani ni ku bona cwalo, abona yomuñwi ya apezi ze sweu, inza ya kwa pata; mi mwa mulaho, uli ne ku bonahala... Ali, "Muzwale Branham, ne li wena." Mi ali, "Yana kena mwahali mwani," ali, "kwa mulaho wa hao, nekuna ni batu ba mibala ye shutana, baba lwezi lindembela za bona; Georgia, Alabama, libaka kaufela ze shutana, banze baya kwa pili," kupahama kutaha kwa toho ko Kreste na sweli ku patululwa mwa pono. Oh, haleluya!

¹⁶¹ Lu mwa mazazi a maungulo, mi seli lihola za mafelelezo a mazazi. Kana mwa Mu bona cwale mwa Linzwi la Hae, mi Linzwi la Hae kaufela le li bonahalile fapila luna? Oh, Keleke ya Mulimu yapila, muyeme ka mautu, mu Mu lumele ka sesili ku mina kaufela. Mu swalelele kwa Liwili lelinyinyani lani la kwa liwili la mwahali, mutuhele kuli Li inise hande muzamao kaufela ni kushenya kaufela ko mu eza. Muhupulo kaufela o munani, ha u zamaiswe ka Tawala yani yeli mwahali ku mina. Kakuli, Mulimu uinzi mwahala Linzwi la Hae la hola ye, mwa Liseli la manzibwana, ku bonisa Liseli.

¹⁶² Bubofu bwa sikampafwa! Mwa kona kutukisa liseli, mi sikampafwa—sikampafwa sikaba fela sibofu hahulu hasina kufufa. Kakuluñiuñu, lihahabe za busihu zani kaufela, ni lika ze cwalo, mafele ni zeñwi, halikoni kubona mwa nako ya musihali. Ha li zibi kuli ki sikamañi. Halikoni kubona.

Mi Liseli la manzibwana litile. Nguli kaufela, kai ni kani ko luya, ku zetahile, kwa Bibele, kwa—kwa libupiwa zeo Melek-... zeo Daniele na boni, mi—mi mulena wa lizazi lani, kaufela bona ne ba boni; mi lika ze kaufela, mutu kaufela, mufuta kaufela, muzamao kaufela, sibaka kaufela mwa Mubili, ka mo sitomezwi si lubonisa hola luli ye lupila ku yona. Ha ki muzamao usili hape okona kutaha fahalimwa ona.

Nekuna ni muzamao wa lizoho; lilato, Wesley. Nekuna ni muzamao, wa mutomo; Luther. Lilato, neku sikaba kale omutuna; ne ubizizwe kuli muzamao wa Wesley. Ne ba lumile babuleli ba linzwi mwa lifasi kaufela. Ulimuñwi wa mizamao yemituna luli yekile ya pangawa, mwa lusika lone luli kwapili a lwani.

Mi kiha kutaha lusika lwa Pentekota; mi ki ha kutaha minwana ye shutana ni lika zeñwi, lusika lwa Pentekota, lwa malimi, ni ngo, ni zeñwi cwalo.

Cwale seli mwa meto. Ki bunde mañi bo mutokwela meto, kamba bo mutokwela liseli, haiba meto ani ha boni? Ku lukela kuba meto, pili, kuli mubone. Mi cwale sani ha si tile, Na kwaluzi Maswayo Asupa ni ku patulula Liseli la manzibwana, kunga likunutu kamukana zebile lipatilwe mwahala linako za likeleke ze, mi ni ku li patululela cwale kubona sina ha Na sepisize kueza

cwalo mwa Sinulo 10:1 kuisa 7. Ki luna ba fa luteni kacenu luinzi mwahala Linzwi, mi Linzwi lipatululwa ku luna ka Jesu Kreste. Mi, *Le ki Linzwi la Mulimu.*

¹⁶³ Mi kakuba batu ba Hae, lu lukela ku zamaela bukaufi ni Muña luna, kuli lu Li utwisise, kuli Li patulule. “O Mulena, ki sikamañi So bata kuli, ni eze? Haiba Ni lukela kuya mwa masimu ni ku yo kutaza Evangelii, kamba Ni lukela kuina kwa lapa? Hakuna taba kamba ki sikamañi, haiba Ni lukela kuba musali yomunde mwa lapa, haiba Ni lukela kuba me yomunde, haiba Ni lukela kueza *se, sani*, kamba *sesiñwi?* Seo kaufela sili sona, haiba Ni lukela kuba mulimi, haiba Ni... Seo kaufela sili sona, Mulena, ki sikamañi So bata kuli ni eze?”

¹⁶⁴ Kana sani ha ki sona sana huwile Saule kwani kuli, “Mulena, ki sikamañi So bata kuli ni eze?” Na li fafasi fa kele-... mwa musipili wa hae kuya—kuya kwa ku yo latela keleke mwa tolongo. Kono ha na huwile kuli, “Ki sikamañi So bata kuli ni eze?” Mi Liseli hane litilo monyeha, kakuba Siita sa Mulilo si nze si nyendaela fahalimwa hae. “Ki sikamañi So bata kuli ni eze?”

¹⁶⁵ Na sepa lani ki linzwi lelinde la ku kwala ka lona, ni kubulela kuli, “Mulena, ki sikamañi So bata kuli ni eze? Ha Ni bona Liñolo le ha li patululwa hande nde cwana ona fa; Mulena, ki sikamañi So bata kuli ni eze?”

Halu inamiseñi litoho zaluna.

¹⁶⁶ Ni kupa mutu kaufela yali mo kuli mutatube lipilu za mina cwale mi mubuze puzo yani, “Mulena, ki sikamañi So bata kuli ni eze?” Ni mina sicaba, haiba musali fa mihala ya mawaile mwahala naha kafo, muinamise toho mi mubuze muli, “Mulena, ki sikamañi So bata kuli ni eze? Ka kubona kuli se luli mwa mazazi a maungulo mi ni mwa lihola za mafelelezo, zeli fela fapila luna patalaza, lipatuluzwi fo kusweu hande, ki sikamañi So bata kuli ni eze?”

¹⁶⁷ Mulimu Yomunde, ona habanze ba Ku buza puzo yani; Na buza, nina, ku Wena, ki sikamañi So bata kuli ni eze, Mulena, sina ha Ni lemuha kuli zazi ni zazi lilukela kuba ni buikalabelo bwa lona. Mi Na lapela kuli U ni tuse, Mulena, ku pila ili kuli zazi ni zazi, li balelwe kwa likute ni kanya ya Hao.

Ni lapela kuli U tuse mutu ni mutu mwahala naha kaufela, ni bani kwanu babali mwa tabernakele halunze lu tatuba lipilu zaluna ni kubulela kuli, “Mulena, ki sikamañi So bata kuli ni eze? Ki sikamañi se Ni kona kueza, Mulena, ili ku zwiseza pili Mubuso wa Hao ni Mutomo wa Hao?” Akupete cwalo, Mulimu.

Lu tatube, lipilu zaluna, mi ulu like. Haiba kuna ni bumaswe ni bobukana ku luna, Mulena, buitati kaufela, maikuto a maswe kaufela, O Mulimu, ulukenise ka Mali a Mwana Hao, Jesu Kreste, yena yo lu amuhela tifo ya Hae ka buikokobezo ya lifu la Hae ni zuho ya Hae. Ni kuba baba bizizwe ka ku lumela kuli Na ezize se, lwa amuhela ka tabo mulelo wa puluso wo No file, ku luna.

Ndate, lwa itumela ku Wena ka Liñusa la lizazi le, seo lu lumela ni seo lu swalelezi ku sona, ka kuziba ni kulumela kuli ki Linzwi la Hao ni Liñusa la Hao. Isi kushutana kuzwa kwa batu babañwi, kono ki kulika kuba sina Jesu Kreste Yali mutala wa luna.

¹⁶⁸ Mulimu Yomunde, onafa ku bundekilwe litaulo, mi kuna ni batu ba bakula kai ni kai. Mi Na kasibili, Mulena, ni katezi mi ni imezwi, kakusasana cwana. Ni lapela kuli U ka lutusa, Mulimu yomunde. Lu talima ku Wena kwa mata. Wena ki wena Mata a luna. U tusize babañata hahulu, Mulimu yomunde.

¹⁶⁹ Ka zazi leliñwi, ku nahana kwani mwa mushitu wani, ne ni zamaya ni Muzwale Banks Wood, fani baalafi... Pilu ya hae neisiyo hande kuli mane na palelwa ni ku zamaya. Mi ka ku nahana ka mo ne Ni...ne Ni sa zibi kwa sibaka sani, ku zamaya mwa malundu ani kasamulaho wa pono yani, “Ni lukela kuswala tau yani. Ni lukela kubona kuli tau yani ya bulaiwa.”

Mi cwale ka ku shetumuka kwatasi kwani, ni nze ni yemi kwani mwa Tucson, fo kulekiswa Lico ku bo Furr, ni kubona litino za hae inze li lepelela, meto a hae a itimile. Nali, “Mulimu, haiba Wa kona ku bonisa pono, ko kuinzi tau, kaniti Wa kona ku bonisa ka za Muzwale Wood.”

Mi ki ha i taha, “Mu beye mazoho.”

Mi ki yo uteni fa kacenu, kwa mulaho, Muzwale Banks wa luna hape, utiile, usweli ku mata kafa-ni-kafa mwa malundu ani. Ka mo lu itumela ku Wena, Mulimu yomunde. Wena u Mulimu ya swana ku luna kamukana sina Ha ukaba ku Muzwale Wood. Na ziba kuli Wa mu lata, kakuli ki mutanga Hao, ya lukile mi ya sephahaha.

¹⁷⁰ Mi Na lapela, Mulimu yomunde, kuli Utalimane ni yomuñwi ni yomuñwi wa luna, mi ulu swalele libi zaluna, ni kufolisa matuku aluna a mibili ya luna. Ulu eze kuli lube sina Wena, zazi ni zazi, Mulena, kufitela halu taha mwa sibupeho sesi petehile sa Jesu Kreste. Akupete cwalo, Mulena. Ni sepa kuli U tatubile pilu kaufela, cwale, mi lwa ziba sa kueza. Lu kupa kuli U lu fuyole cwale, ka Libizo la Jesu.

¹⁷¹ Mi ha lu inamisize litoho zaluna cwalo, kana kuna ni ya liteni mo, kamba kwande mwa—mwa sibaka sa luwaile mwahala naha, ya ka tabela fela kuli, ona hamunze mulapela cwalo, ni litoho za mina liinami, mu nanule fela lizoho la mina ku Mulimu cwale. Sani kona fela se mu kona kueza; kutezi kwanu kakusasana cwana. Mu nanule fela lizoho la mina ku Mulimu, muli, “Mulimu, ni eze kuba fela sina Jesu. Ni—Ni bata kuba fela inge Jesu.” Mulimu ami fuyole. Kwande kafoo mwahala naha, mazoho ananuha fela kai ni kai, ki sikuwata sesituna. Ni, laka li nanuhile. “Ni bata kuba sina Yena. Ni tatube, Mulena, mi haiba kuna ni bumaswe bo bukana kuna; u bu zwise. Na—Na bata...” Sikamañi? Luinzi fela nako yetelele hahulu mo, kono

luka zwa kamba mwa . . . kamba, hakuna taba ka seo muli sona, mo mufumezi, mo mushebezi, ka bwanana kaufela, ka kusupala kaufela.

¹⁷² Ne ni yemi maabani kwa—kwa, sikwata se sinyinyani sa batu kwani mwa lilundu, kwani kwa . . . kwa kanukana. Ne ku na ni lubasi nyana kwani, muuna yo ne Ni ambola ku yena ka za Mulimu, nako yetelele hahulu. Ataha kwani, musala hae yomunyinyani, bana ba sebene kamba ba eiti; yena, isali mwanana, yo musisani, kwani inza lika kubeleka, na hola madollar amabeli ka lizazi. Mi muuna yani na pila kwa matakanyani nyana. Mi kwani musala hae, bukaufi hape ni kuba ni mwana yомуñwi, mi nana ni silepe se situna kwani, sa kulemisa likota, ku li wisakafafasi; mbututu fa noka yeñwi, inza hoha kota yeñwi; ataha kutolema likota zani, ku koyola mimbulukushu yemiñwi, kuli basike ba lapa ka nako ya maliha. Mawi, mo ne lu utwezi butuku ka yena! Muzwale Wood ni Na lwa ya mi lwa yo taha ni mota, ni kuya kwani mi lwa yo lemaka likota za bona, ni ku likenya mwahali. Yena, musali yomunyinyani aitumela, inza yemi ona fani. Na mu utwela makeke. Mi lwa zwelapili ku ba lapelela.

¹⁷³ Mi mwana hae yomunyinyani akula kanono. Ki ha luya ku yo lapelela mbututu yani, mi Mulimu amu folisa. Mi ka zazi leliñwi, muuna hae atoba ni butuku bwa mutuba, mi lwa yo kena teñi . . .

Ne ni sweli kuambola ku yena. Na zuba, sibeli sa bona. Musali yani na zuba kwai, mi ni muuna ni yena, hape, batu ba matakanyani a malundu. Mi ha ne Ni zwezipili kubulela ku bona ka zona. Mi maabani hane Ni iile, ka nako ya musihali, ki ha taha inza zamaya, ali ku swalelela mazoho a hae hamoho, mi ali, “Muzwale Billy, Na ni mutu ya cincizwe.” Ki hali, “Ni zubile kwai yaka ya mafelelezo, mi se Ni li kwa neku la Mulena.”

Ki hali, “Ni na kona ni sa zo zuba ya ka ya mafelelezo, luli.”

Oh, mucale peu! “Na Mulena ni selaezi. Ni kana ni selaela musihali ni busihu, mwendi yомуñwi akaswana aba zusa mwa mazoho Aka.”

¹⁷⁴ O Mulimu, ube ni makeke cwale, Na lapela, mi ulufe takazo ya lipilu zaluna, kakuli mwa lipilu zaluna lubata ku sebeleza Wena. Cwale, Ndate, ba kaufela bainzi mwa mazoho a Hao, kai ni kai. Bona ki bana ba hao. Utalimane ni bona kuya ka sishemo, Mulena; isiñi ka katulo, kono ka sishemo. Lwa kupa ka Libizo la Jesu. Amen.

¹⁷⁵ Mwa Mu lata? [Puteho ili, “Amen.”—Mu.] Ka lipilu za mina kaufela! Cwale, mi ba bana ni litaulo, mwakona ku liinga.

Mi cwale, lisebelezo zaluna, Ni sepa likalanga ka kuitahanela nyana, sebene kiloko, kamba sesiñwi cwalo. Muzwale Neville uka zibahalisa, fa muzuzu, kaza kuli bakala lili.

Kana kuna ni kolobezo, Na sepa, kakusasana cwana? [Muzwale Neville uli, “Mezi ateñi kale.”—Mu.] Mezi ateñi kale, haiba kuna ni yomuñwi mo ya si ka kolobezwa kale ka Libizo la Mulena luna Jesu Kreste, kupalañi, yona luli ki tukelo... Mezi ateñi kale a sebelezo ya kolobezo.

¹⁷⁶ Lwa itumela kwa mizwale ya bakutazi kaufela. Ni bona Muzwale... Mukopano wa hao noli cwani, no li fela hande, Muzwale Parnell? Mi Muzwale Martin, ni, oh, buñata bwa bona fela mwahali mo, Muzwale Lee Vayle. Oh, kuna ni fela bakutazi mwa sibaka se kaufela. Luna kaniti lwa itumela ha muli mo, ka kuba mwa sebelezo ni luna kupotoloha Linzwi.

¹⁷⁷ Mwendi hamukoni ku lumelelana nina fa taba Ye fela; ha ni mi kupi kuli mu be cwalo, mwa bona. Taba fela, mina mu I temuhele fela. Se mu ni bulelela, Na si iseza ngana. Haiba bakutazi baka nopa tepu, mi ba bulele kuli, “Kihande, ha Ni lumelelani ni zona.” Zani ki zende luli, muzwale waka. Mwakona kuba bo mulisana ba lingu; muba—muba fepe ka mo mulakaleza kaufela.

Ni lika mo ni konela kuli ni pile hande ni Linzwi, bakeñisa lika ze beilwe mwa mazoho aka ze ku Mulimu, kakuli lingu litabela lico za lingu, ka niti. “Lingu za Ka liutwa Linzwi la Ka.” Mi sani kona se lupila ka sona, Linzwi kaufela lelizwelela... Isiñi kaufela... Isi fela Linzwi fa ni fa; kono ka Linzwi kaufela le li zwelela mwa mulomo wa Mulimu, sani kona se ba lukela kupila ka sona baba kenile.

Halu yemeñi cwale. Halunze luinamisa litoho zaluna...

Mi Muzwale Neville, una ni so bata kubulela ku bona nji? [Muzwale Neville uli, “Batili.”—Mu.] Muzwale Mann? Ku lukile.

Mutu kaufela muikutwa hande? Muli, “Amen.” [Puteho ili, “Amen.”—Mu.] Ku lukile.

Cwale halu inamiseñi litoho zaluna.

Ni ka kupa Muzwale Lee Vayle haiba wa kona ku kambamelia kwanu, kamba wa kona. Haiba wa kona kutaha kwanu, Muzwale Vayle, haiba u kona.

Muzwale Vayle ki muzwale wa luna kwanu, muñoli wa libuka. Mi usweli ku baakanya buka kuli iluke cwale, *Linako Za Likeleke Zesupa*, mi ubelekela fa *Maswayo A Supa*. Mi cwanoñu lukaba ni zona ka kusa lieha. Ku lukile. Muzwale Lee Vayle.

Mulimu aku fuyole.



KRESTE UPATULULWA MWA LINZWI LA HAE TOTA LOZ65-0822M
(Christ Is Revealed In His Own Word)

Liñusa le ka Muzwale William Marrion Branham neli kutilizwe lwapili mwa Sikuwa la Sunda kakusasana, Muyana 22, 1965, ili fa Branham Tabernacle mwa Jeffersonville, Indiana, U.S.A., liingilwe kuzuwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2017 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org